


KIDIMBU YA PAKI

 Kieleka ya kele bweso na kuvwanda awa na suka yayi, na kilumbu yayi ya lubutuku ya kimvuka ya Bantu ya Nsangu ya mbote ya Muvimba awa na Phoenix, mpe kuzaba ti Mfumu ke pesa munu ndambu ya yawu, samu na kuvwanda kitini ya ngwisani yayi. Mu ke zola kupesa mbote na Mpangi Carl Williams mpe kento ya yandi, Mpangi Stromei, yina me bikana awa na estrade, Mpangi Shores, Mpangi Outlaw, balongi, mpe bantu nionso ya mbote.

² Beno zaba, mu—mu zwaka kilumbu ya lubutuku na sabala ya nsuka, diaka. Mpe mu ke kaka ntwenia ya bamvula fioti kulutula kimvuka yayi. Mu banza ti yandi tubaka, “Bamvula tanu mpe . . . bamvula tanu, ti kimvuka yayi ke zingaka.”

³ Muntu mosi tubaka, kilumbu yina, yandi tubaka, “Nge ke na bamvula yikwa, Mpangi Branham?”

⁴ Mu tubaka “Bamvula makumi zole na sambanu.” Mpe mu tubaka, “Mu me zimbisa bamvula makumi zole na tanu. Mu sadilaka Yandi ve na bamvula yayi.” Mu tubaka, “Mu banza ti Yandi ke sala yawu, diaka.” Samu na kunata Yandi na kusala yawu ya ke vwanda mutindu yankaka.

⁵ Kasi ya kele mbote na kuvwanda awa. Mpe ntangu yayi beto zola kubaka beno ntangu mingi ve. Samu beto . . . Mu—mu ke vwandaka ntangu nionso na boma, na manima ya kuwa mwa bimbangi yayi ya mbote, mpe bima yina nionso ke salama, ti mu . . . mpe minkunga, ti mu ke sala kima yina ke sepelisa yawu ve. Mpe mu vwanda zola kubwela yawu, kana ya kele na kima mu lenda bwela na yawu. Bampangi ya bakento yayi . . .

⁶ Ti mpangi-bakala yina yimbaka nkunga na suka yayi, mpangi-bakala ya ndombe, mu me sepela na yawu, *Yandi Ke Kebaka Ndeke*.

⁷ Mpe bampangi-bakento yayi vwandaka yimba nkunga yayi, yina vwandaka mosi ya lusalusu ya munu kubanda mu vwandaka awa mbala ya ntete. Mu ke na yawu. Mu ke na bande mosi, mpe mu bulaka yawu ngolo mingi, *Mu Zola Tuba Yawu Diaka Kuna Na Yandi*. Mpe mu yufulaka Mpangi Dawson Riley kuna, nkundi ya munu, kana yandi lenda, bayankaka ya bawu, kana bawu tala kana bawu ke kuzwa bamama yina, kana bawu vwandaka kaka awa na zulu ya ntoto, samu na kuyimba yawu diaka na suka yayi. Mpe mu banza ti Terry bakaka yawu. Mpe mu banza ti yandi me sala yawu. Mu ke zola kukatula yawu kuna, mu banza, na bande to kima yankaka, samu ti kieleka mu zola nkunga yina. Mpe yina kele ya munu . . . nsatu ya munu kele kuzonzila yawu na Yandi. Mu banza ti beto nionso ke zola kusala mutindu yina. Yawu yina beto kele awa na suka yayi.

⁸ Ntangu yayi, balukutakanu yina ke kwisa, sabala ke kwisa. Ya ke mbote na kutuba yawu? [Mpangi-bakala mosi me tuba, “Ya kieleka.”—Mu.] Mu—mu ke vutuka na yinzo na sabala yayi ke kwisa, na tabernacle, na Lumingu ke kwisa, samu na kisalu ya Paki; Kilumbu ya sambanu na nkokila, Lumingu, mpe Lumingu na nkokila. Mpe na yina mu ke vutuka na Californie. Beno nionso ya bantu ya Californie, beto ke vwanda na kiese ya kuvwanda na beno kuna na lukutakanu. Mpe mu banza ti Billy me zimbana na baluzabusu yina yandi me tinda. Ya ke . . . Yandi tubaka, “Na Hotel Biltmore,” mu banza, “ya ke vwanda mutindu yina.” Ya kele . . . [Muntu mosi me tuba, “Ba lenda na kuzwa yawu ve.”] Ba me lenda na kuzwa yawu ve. Mpe ya kele na Eastmont? [“Embassy.”] Embassy, Hotel Embassy. Na yawu bantu nionso ya Nsangu ya mbote ya Muvimba kuna ke zabisa beno, kana beno ke na lweka yina.

⁹ Mpe na yina beto ke katuka kuna, mpe mu ke kwenda na Afrique du Sud. Kaka na manima ya ngonda mosi kukatuka bubu yayi, beto ke zyeta na Afrique du Sud, na kuvingilaka ntangu mosi ya nene na Mfumu, pene ya bayinsi tatu kuna. Na yina beto—beto kieleka ke lombamba bisambu ya beno. Ya lendaka salama ti mu mona dyaka beno ve, kana Mfumu sala ti beto kwenda, tii ntangu mu ke vutuka. Mpe mu ke na kivuvu ti mu ke kuzwa nsangu ya nene samu na beno ntangu beto ke vutuka.

¹⁰ Na mbala ya nsuka kuna, mu banza ti Mfumu pesaka munu lukutakanu ya kulutila nene yina mu me kuzwaka ntete ve. Mpe kilumbu mosi, na lubokilu na autel . . . Ntangu yayi, ya vwandaka bantu ya ntete ya yinsi. Na yina mu zaba, ya vwandaka na makumi tatu ya mafunda ndimaka Klisto na mbala mosi. Mpe beto banzaka ti mbala yankaka bawu vwandaka zonzila kubeluka ya nzutu, samu pene ya bantu mafunda makumi zole na tanu vwandaka me beluka na mbala mosi. Mpe kilumbu yina landaka, mfumu ya mbanza ya—ya Durban, yina kele Sydney Smith, yandi tubaka, “Kwenda na nela ya nge, tala yina ke salama na bala-bala.” Mpe ya vwandaka na bakaminio vwandaka landasana ya kufulukuka, kaka ya kufulukuka na ba-béquille mpe nyonso, kaka ya kukutika; ti bawu vwandaka kwisa na manima, bana ya yinsi yina, yina vwandaka na mvita mosi na yankaka, vwandaka kwisa na babala-bala ya mbanza, na kuyimbilaka *Kwikila Kaka* na ndinga ya bawu ya bwala.

¹¹ Mu ke tuba na beno, ntima ya munu sepelaka. Mutindu . . . Ntangu beno ke mona kima mosi mutindu yina, Mpangi Shores, kuna beno ke vwanda na mpamba ve. Beno me mona, beno mekaka. Mpe mu ke na kivuvu ti Nzambi ke vutukila yawu diaka, ve samu—samu beto ke kwenda kuna, kasi samu beto ke vingila Nkwizulu ya Mfumu.

¹² Mpe mutindu mukunga tubaka, beto ke sosa mwa dimeme yina, yina me zimbana, ti . . . Yandi—Yandi ke kwisa ve tii kuna dimeme yina ke kota. Muntu nionso ke vwanda na lupangu.

Yandi ke kanga kielo ve tii kuna yina ya nsuka ke kota. Na yawu, bampangi balongi, mu ke kwikila na beno, na suka yayi, samu na kumeka kuzomba dimeme yina ya nsuka. Ya lendaka vwanda na Phoenix, na suka yayi. Mu zaba ve. Kasi ntangu yina ya nsuka ke kota, na yina Muvungi ke kanga kielo.

¹³ [Mpangi-bakala mosi me tuba, “Mpangi Branham?”—Mu.] Yinga? [“Mu lenda tuba diambu mosi?”] Kieleka nge lenda. [“Mu me zimbana kima mosi. Beto vwandaka tubila. . .” Kisika ya mpamba na bande.] Ya kele nyonso ya kulunga. [“Mpe mu zaba, muntu nyonso ke zimbana mambu, mbala mosi na ntangu fyoti.”] Munu ve. [“Oh!”]

¹⁴ Mu kele yandi yina fwana sonika yina mu ke tuba, na kutala. Mu kele. . . Kubanda ntangu mu ke kula, mu ke mona yawu ke kuma mpasi mingi samu na kubambuka moyo, kusonika Masonuku ya munu, mpe nionso yina. Mu vwandaka, mu lendaka sungika Masonuku pene ya makumi tanu na dibanza ya munu, mpe ata mbala mosi ve. . . kubasisa yawu diaka, kasi mu ke na bakilometre mingi na manima kubanda bilumbu yina.

¹⁵ Na yina, beto ke vingila Nkwizulu ya Mfumu. Mfumu sakumuna beno nionso!

¹⁶ Mpe na yina beno ke telama awa, mpe beno ke banza. . . Beno kele ya kuvwanda awa mpe kuwa bantu yayi kupesa kimbangi. Beno banza, “Mbote, ntangu mu ke telama, mu ke tuba kima na yina me tala yawu.” Na yina, ya kele na mingi ya kutuba, beno ke vwanda kilumbu ya muvimba samu na kutubila yawu. Kasi, ya kieleka mu ke sepela na beno nionso. Bika ti mwa kimvuka yayi kukuma mingi. Bika konso dibuundu na Phoenix kulandila na kuyela tii kuna Yesu ke kwisa, ya kele kisambu ya munu ya kieleka.

¹⁷ Ntangu yayi, mu banza, kaka samu na kupema mwa fyoti, beto telama na yina beto ke sambila. Beno zola?

¹⁸ Nzambi ya Ngolo nionso, Tata ya Mfumu ya beto Yesu Klisto, Yina vumbulaka Yandi na lufwa, mpe me pesa Yandi na beto mutindu munkayulu, mpe Mfumu mpe Mvulusi. Beto ke vutula matondo mingi na Nge samu na ntangu yayi ya mbote yina beto ke na yawu na suka yayi, samu na kutelama na Mvwandulu ya Nge, na bantu ya Nge yina ba me sumbulula mpe ba ke vingila Nkwizulu ya Yandi ya zole ya nkembo, samu na kuyamba beto na Yandi mosi. Kana disumu kele na kati ya beto, Mfumu, vedisa beto na izope ya Nge. Mpe beto ke sambila, Tata ya Mazulu, ti Nge belusa konso mbevo yina kele na kati-kati ya beto.

¹⁹ Mpe kana ya lendaka vwanda, na siansi, bayina me zaba Nge ve, na mbotika yayi ya nene ya Mpeve-Santu yina beto ke na kunwanina na kukwikama ya mingi, mpe kutuba ti ya kele mfunu mingi, landila Masonuku samu na kilumbu ya nsuka yayi, beto ke sambila, Nzambi, ti Yandi kulumuka na zulu ya beto nionso, bubu yayi, mpe botika beto na mutindu ya malu-malu

na kati ya Nzutu, mpe nata bayina kele na nganda, na kati, diaka, Tata.

²⁰ Sakumuna beto na yina beto ke tanga Ndinga ya Nge mpe beto ke sala kingolo-ngolo na kutuba yina kele Kieleka ya Ndinga ya Nge. Kanga yinwa ya beto na yina kele kieleka ve, mpe zibula bantima ya beto mpe bayinwa na yina kele Kieleka, mutindu beto ke kukipesa beto mosi na Nge. Sadila yinwa ya beto samu na kutuba, mpe makutu ya beto samu na kuwa, mpe bantima ya beto samu na kundima. Samu ti beto ke lomba yawu na Nkumbu ya Yesu, Yandi yina tumaka yawu na kuvwanda mutindu yina. Amen.

²¹ Mu ke zola kutanga na Ndinga ya Santu, bisika tatu na kati ya Biblia. Mpe beno ke sonika yayi, mpe beno zola kulandila yawu kuna, kulandila na kutanga yawu samu na kuzaba kulutula mingi, mu ke vwanda na kiese mingi kana beno ke sonika yawu. Bisika mu ke tanga kele Matthieu 28:1-10, mpe na manima Apocalypse 1:17-18, Romain 8:11. Mpe ti mu vutukila dyaka yawu. Mpe ntangu yayi Matthieu 28:1 na 10, Apocalypse 1:17 na 18, mpe Romain 8:11.

²² Ntangu yayi beto ke na kupusana na Paki. Mpe mutindu beno ke na kusosa bisika ya beno ya kutanga, mpe beno ke sonika yawu. Mu banza ti sabala yayi ke kwisa kele sabala ya kulutula nene mpe ya masolo ya nene ya basabala ya beno ya mvula ya muvimba. Mu banza ti kima ya kulutula nene yina beto ke kembila sabala yayi, sabala yina ke na kukwiza, vwandaka diambu ya kulutula nene yina me salamaka ntete ve na zulu ya ntoto. Mu ke banza ve ti kima mosi lenda luta yawu. Beno ke tuba, “Mbote, kukomama na kulunsi vwandaka diambu ya nene.” Kasi bantu mingi me kufwaka, bantu mingi me komama na kulunsi, mpe na bilumbu ya Mfumu ya beto. Kasi ya vwandaka kaka na Mosi ya bawu yina vumbukaka na lufwa. Yina tulaka yawu kidimbu.

²³ Ntangu yayi mu zola kutanga. Mpe yayi kele mutindu ya mwa nsangu mosi samu na kukubama na Paki, kana Mfumu zola, na kutala baminuti makumi yiya. Ntangu yayi beto tanga na Nsangu ya mbote ya Santu Matthieu, kapu ya 28, kubanda.

Na nsuka ya saba, mutindu ya bandaka na kubasika na kilumbu ya ntete ya sabala, kwizaka Marie Magdala mpe Marie yankaka yina samu na kutala ntoni.

Mpe, tala, ya vwandaka na kuningana ya ntoto ya nene: samu wanzio ya Mfumu kulumukaka na zulu, mpe kwisaka mpe balulaka ditadi na kielo, mpe vwandaka na zulu ya yawu.

Kizizi ya Yandi vwandaka mutindu nzasi, mpe bilele ya yandi vwandaka mpembe mutindu mvula-mpembe:

Mpe na boma ya yandi ba-quaker kuzwaka . . . mikengi (beno lemvokila) kutekitaka, mpe kumaka mutindu bantu ya kufwa.

Mpe wanzio pesaka mvutu mpe tubaka na bakento, Beno vwanda na boma ve: samu mu zaba ti beno ke sosa Yesu, yina ba komaka na kulunsi.

Yandi kele awa ve: samu yandi me vumbuka na lufwa, mutindu yandi tubaka. Beno kwisa mpe beno mona kisika yina Mfumu vwandaka.

Mpe beno kwenda na nswalu, mpe beno tuba na bilandi ya yandi ti yandi me vumbuka na lufwa: mpe, ntangu yayi, yandi ke na kvingila beno na Galilée; kuna beno ke mona yandi: tala, mu me tuba na beno.

Mpe bawu kwendaka ntama ya ntoni na boma mpe kiesee ya nene; mpe bawu kwendaka mbangu mpe bawu nataka nsangu na bilandi.

Mpe na yina bawu kwendaka zabisa na bilandi ya yandi, tala, Yesu kutanaka na bawu, na kutubaka, Mbote na beno. Mpe bawu kwisaka mpe simbaka yandi na makulu, mpe sambilaka yandi.

Na yina Yesu tubaka na bawu, Beno vwanda na boma ve: beno kwenda tuba na bampangi ya munu ti bawu kwenda na Galilée, mpe kuna ba ke mona munu.

24 Mpe Apocalypse, kapu ya 1, mpe nzila ya 17 mpe nzila ya 18.

Mpe ntangu mu monaka yandi, mu kubwaka na makulu ya yandi mutindu ya kufwa. Mpe yandi tentikaka diboko ya yandi ya kibakala na zulu ya munu, na kutubaka na munu, Kuvwanda na boma ve; mu kele ya ntete mpe ya nsuka:

Mu kele yandi yina kele moyo, mpe vwandaka ya kufwa; mpe, tala, mu kele moyo ntangu nyonso, Amen; mpe mu kele na bafungula ya lufwa mpe ya difelo.

25 Mpe na Buku ya ba Romain, kapu 8, mpe kubanda na nzila ya 11.

Kasi kana Mpeve ya yandi yina vumbulaka Yesu na lufwa kele na kati ya beno, yandi yina vumbulaka Klisto na lufwa ke pesa diaka luzingu banzutu ya beno yina ke kufwa na nzila ya Mpeve ya yandi yina ke zingaka na kati ya beno.

26 Ntangu yayi mu ke na kivuvu ti Mfumu Yesu ke bwela masakumunu ya Yandi na kutanga ya Bandinga yayi. Kumona ti, Paki, mu me sonika yawu na kati ya ntima ya munu mutindu lukutakanu ya kulutula nene, to diambu ya kulutula nene ya mvula.

27 Mu zola lomba na beno na kulemvokila munu mwa ntangu fioti. Ya ke wakana ngolo mingi samu na beno kuna, ya ke wakana mbote ve? Ya kele mbote? Beno lenda kuwa yawu mbote mutindu yina? Oh! Beno lenda kuwa yawu ve. Ya kele mbote mingi, mutindu yina? Mu zolaka ve kubelama mingi.

28 Ntangu yayi, samu na yinki mu ke tuba yayi, ya kele samu ti, Paki, Yandi me talisa yina Biblia me tuba. Masonuku nionso yina ba sonikaka samu na Yandi na kusala, Yandi tulaka kidimbu na Mesiya ya Yandi ntangu Yandi vumbukaka na lufwa, kidimbu ya Paki. Beto kele na mingi ya yawu bubu yayi beto ke tubila, ti, kusumba bidimbu ya Paki. Mbote, mu zola tubila na suka yayi na: *Kidimbu Ya Paki*. Ya kele kidimbu ya luswaswanu na yina beto ke sumbaka na mbongo ya beto, mutindu kidimbu yina ba ke tulaka na zulu ya mikanda, mu banza, samu Kimvuka ya Tuberculose to nionso yina ba ke bokila yawu. Mu—mu banza ti kidimbu yayi kele fioti kidimbu ya kuswaswana. Mpe mutindu Paki yina kele kilumbu ya nene ya mvula samu na beto Baklisto yina ke tubaka ti beto kele bana ya Nzambi, Mu zola kumeka kubuka yawu mpe kumona wapi mutindu beto fwana vwanda na ngwisani na kima yayi ya nene yina Klisto salaka samu na beto.

29 Ndinga ya Nzambi me tubama, bankama mingi ya bamvula na ntwala ya Nkwizulu ya Yandi, samu na kukomama ya Yandi na kulunsi, mpe samu na lufwa ya Yandi, mpe samu na bampasi ya Yandi, mpe diaka samu na mvumbukulu ya Yandi. Beto ke vwanda na balukutakanu yayi, ntangu yankaka, sabala ke kwisa, na yina beto ke kuwa manaka ya beto—ya beto ya radio; mpe na mabuundu ya beto, na ba pasteur ya beto, mpe nionso yina, sabala yayi ke kwisa.

30 Kasi na bilumbu nionso mpe mambu nionso yina Yesu salaka, mpe ya kieleka beto ke sepela na bimbangi ya Yandi ya Ndinga ya Nzambi mpe yina Yandi salaka samu na kulungisa Yawu: samu na kubeluka ya nzutu, na kuvumbula bamvumbi, na kulonga Nsangu ya mbote na bamputu, mpe kulungisa konso Ndinga yina Nzambi tubaka ti Yandi ke sala ntangu Yandi ke kwisa; mpe na manima kumona mpasi samu na masumu ya beto, na kisika ya beto, samu na kuvwanda munkayulu samu na disumu, na kulunsi, kisika muntu yankaka ve lendaka sala yawu kasi Yandi. Kasi na zulu ya nionso yina, mu banza ti Paki tulaka kidimbu na kima ya muvimba.

31 Samu, ya vwandaka na baprofete na zulu ya ntoto, yina kupesaka profesi na ntwala ya Yandi. Ya vwandaka na baprofete na zulu ya ntoto, yina belulaka bambevo, ata mpe vumbulaka bambevo na lufwa, mpe salaka bidimbu mosi yina Yesu salaka.

32 Kasi Paki siamisaka yawu. Ya tulaka kidimbu na Ndinga ya Nzambi kukonda nsuka, samu na mukwikidi ya kieleka. Mpimpa nionso mpe ntembe me bebisama, na suka yina ya lusakumunu. Muntu vwandaka ya kukangama, mutindu ya

vwandaka, na kati ya boloko, ata mpe na bantu ya nsambulu na ntwala ya kilumbu yayi, samu ti bawu vwandaka . . . monaka ba-mouvement ya nene ya misambidi, mpe vwandaka tambula na Mpeve-Santu, mpe nionso yina. Kasi ntangu muntu mosi kufwaka, ya monanaka ti ya ke sukisa yawu. Kasi ntangu Muntu yayi kwizaka, mpe tubaka, “Mu kele na ngolo ya kupesa luzingu ya Munu na yisi; mu kele na ngolo ya kubaka dyaka Yawu,” mpe na manima yandi siamisaka yina Yandi tubaka, samu na munu, yina—yina kele kidimbu ya yawu, ntangu—ntangu kima mosi me tubama mpe na manima yawu me siamisama.

³³ Kana bakala mosi tubaka, mutindu Colomb, yandi kwikilaka ti yinza vwandaka ya ronde, mpe yandi vwandaka tala bamaswa, mutindu ba me tuba na beto, mutindu yawu vwandaka kwisa, mpe yandi lendaka mona dibaya ya vwale ya masuwa ntete yandi mona masuwa. Mpe yawu siamisamaka yandi ti yinza vwandaka ronde. Bantu vwandaka kwikila yawu ve na kilumbu yina, kasi yandi vwandaka muntu ya vision. Yandi vwandaka kuna samu na kusiamisa kieleka yina yandi vwandaka na vision, ya vwandaka kieleka.

³⁴ Mpe lukanu ya Nzambi salaka samu na kusiamisa Ndinga ya Yandi, Kieleka. Na yawu Yandi . . . Ya vwandaka kaka na Muntu mosi yina lendaka sala yawu, mpe ya vwandaka Yesu. Mpe Yandi kwisaka mpe siamisaka ti ya kele Kieleka. Yawu tulaka yawu kidimbu. Mpe yina zibulaka bidimbu nionso ya mudidi, mpe panzaka bakundima nionso ya bansambulu yankaka, mpe nionso yina, kisika bantu ya nene me telama mpe me tuba bima ya nene, ya kitoko; kasi bawu kele, bawu nionso, na ntoni. Kasi nsambulu ya beto ya Buklisto kele mosi kaka yina kele na ntoni ya mpamba. Mpe yina ke talisa na munu ti Yandi kele Nzambi ya bantu ya kufwa, mpe Nzambi ya moyo, ti Yandi lendaka vumbula bantu ya kufwa, na luzingu dyaka. Mpe mu . . . ngolo yayi ya nkindusulu, Mpeve ya Yandi ya nkindusulu, me lakisa na nzila ya bamvula ti Yandi kele Yandi Yina lenda kindisa bantu ya kufwa, kuvutuka dyaka na luzingu.

³⁵ Mpe ntangu Yandi talisaka na nzila ya nsilulu ya Yandi, ngolo yayi ya nene ya lunungu yina Yandi vwandaka na yawu, na Paki Yandi siamisaka ti Yandi lendaka kununga lufwa, difelo, mpe ntoni. “Mu kele Yandi yina kufwaka, mpe kele moyo dyaka, mpe kele moyo ntangu nyonso; mpe kele na bafungula ya—ya lufwa, difelo, mpe ntoni.” Wapi mutindu ya nsamunu ya muntu mosi na kusala. Mpe Yandi salaka yawu kaka ve, kasi Yandi siamisaka yawu dezia ti Yandi—Yandi vwandaka na yina Yandi tubaka ti ya vwandaka na yawu.

³⁶ Mpe mu banza ti, Nzambi me yidika kilumbu yina na ntangu beto, mutindu Baklisto yina ke kwikilaka Biblia yayi, lenda lakisa yina beto ke na kuzonzila. Beno me mona? Ya kele yina ke salaka, mutindu ba tubaka yawu ntama mingi ve, “Mungwa ya ntoto,” mpangi ya kento me tuba. Ya kele kieleka. Yinza ke na

kusosa mungwa yayi. Mpe ntangu beto lenda siamisa na nzila ya baluzingu ya beto, mpe na nzila ya Biblia, ti baluzingu ya beto ke siamisa ti Ndinga yina kele kuzinga bubu yayi, ya kele kilumbu yina beto ke na kuingila.

³⁷ Ndinga . . . “Mpeve yayi,” Romain 8 kuna yina: 11 ke tuba, “Kana Mpeve yayi me telemisa Yesu Klisto na kati ya beno, ke kindisa diaka banzutu ya beno yina ke kufwa.” Yandi siamisaka kaka na Yandi, na beto, ti Yandi vwandaka Yehowa Mukudi mpe vwandaka na ngolo na zulu ya lufwa, difelo na ntoni, kasi Yandi me pesa beto diaka kiyeka ya Mpeve mosi, ti beto mosi lenda vwanda na kivutu ti beto me kindisama na Mpeve yina. Samu ti Mpeve yina vumbulaka Yesu na lufwa yina ke zingaka na kati ya nzutu ya beno, Yawu ke kindisa diaka nzutu ya beno yina ke kufwa. Ntangu yayi, *kukindisa* zola kutuba “kuvwanda ya moyo na manima ya lufwa.” Na manima ya kufwa, na yina ya ke kindisama.

³⁸ Yinza me kangama na kati ya ntembe, bansungi mingi tii kuna. Yayi vwandaka siamisama, mu me tubila kaka ve, kasi ya siamisamaka. Mu banza ti kima yina kele ya mfunu mingi . . .

³⁹ Mutindu Yesu tubaka, “Na yawu beno kwenda, kulonga bayinsi nyonso; mpe ke monisa na bawu, na nzila ya katalisa ngolo ya Nzambi na bawu. Bidimbu yayi ke landa bayina ke kwikila.” Bayina ke sila mpe ke tuba ti bawu ke kwikila, Yandi pesaka beto lubakusu ya kieleka ya yawu, ti, “Bidimbu yayi ke vwanda na bayina ke kwikila.” Ya ke vwanda kidimbu ya kimbangi ya bawu. Ntangu yayi, beto lenda tuba ti beto ke kwikila. Kasi tii kuna beto ke vwanda na kidimbu yina Yandi tubaka ti ya ke vwanda na zulu ya beto, na yina beto kele kaka bakwikidi ya *yinwa*, mpe bakwikidi ya *bisalu* ve.

⁴⁰ Na yina, beno bambuka moyo . . . Na mwa bilumbu me luta, mu vwanda kuwa manaka ya radio na KAIR kuna na Tucson. Mpe longi yayi bakaka lweka yankaka samu na kutelemina beto, ti, “Nsambulu ya pentecote vwandaka kima yankaka ve kasi kaka nsaka. Ya vwandaka . . . Kuwa yawu ve. Ya vwandaka ya kusikama ve.” Mpe yandi tubaka, “Muntu nionso yina tubaka na bandinga, mpe bima yayi, mpe ke lomba ti yandi kele, belusa bambevo, mpe nionso yina, na kisambu, ti yawu zolaka katuka ntama na yawu. Mpe samu na kusambila samu na bantu ya mputu yina ya kulemba, samu ti bawu vwandaka na foti, ti ya vwandaka na kima ya yimbi na bawu.” Oh, mutindu mu zolaka kusolula na mpangi-bakala yina mwa ntangu fioti! Mpe yandi tubaka ti . . . “Ti, yina me pesama kaka na bantumwa na Kilumbu ya Pentecote, mpe yina me sukisa dyambu.”

⁴¹ Mu ke mona ti, bamvula makumi tatu na ntwala, Paul vwandaka sala makabu yayi na kati ya Dibundu. Na Corinthiens ya Ntete kapu 15, ti, “Yandi tulaka na kati ya Dibundu dikabu ya kuzonza na bandinga ya malu-malu,

bimangu. Mpe makabu nyonso yankaka yayi vwandaka na kati ya Dibuundu.”

42 Yesu tubaka yawu. “Beno kwenda na yinza ya muvimba mpe beno longa nsangu ya mbote na bantu nionso.” Wapi mutindu ntama? “Yinza ya muvimba.” Na nani? “Na konso kivangu.” Bawu me kuzwaka ntete Yawu ve. “Mpe bidimbu yayi ke landa bayina ke kwikila.” Bantangu yikwa? “Yinza ya muvimba.” Na nani? “Konso kivangu. Bidimbu yayi ke landa bawu, na yinza ya muvimba, mpe na konso kivangu. Bidimbu yayi ke landa bawu: na Nkumbu ya Munu ba ke basisa bampeve ya yimbi; ba ke tuba bandinga ya malu-malu; kana bawu bakaka kima yina ke kufwaka ve, to nyoka, to kunwa kima yina ke kufwaka, ya ke sala bawu yimbi ve; bawu ke tentika maboko ya bawu na zulu ya bambevo, mpe bawu ke beluka.” Yina vwandaka lutumu ya Yandi ya nsuka na Dibuundu, Marc kapu 16.

43 Paul ke na kutula makabu yayi na kati ya Dibuundu, bamvula makumi tatu na ntwala. Mpe tubaka, na Galates 1:8, “Kana Wanzio me katuka na Zulu kulonga na beno nsangu ya mbote yankaka kulutila Yayi beno me kuzwa ntete,” beno me mona, ba longaka yawu dezia, “bika yandi vwanda ya kusinga.” Mu ke kwikila ti pentecote kubandaka kukondwa nsuka. Mu ke kwikila ti ya ke vwanda na konso kivangu, bantangu nionso, na bisika nionso, ti pentecote ke vwanda kaka ntangu nionso. Masakumunu ya pentecote lendaka vwanda na zulu ya bantu.

44 Mpe ntangu yayi, yinki kele lusakumunu yayi ya pentecote? Ya kele nsiamisa ya mvumbukulu ya lufwa. Kukondwa ntembe ti nsangu ya mbote Yawu mosi zola kutuba “bansangu ya mbote.” Bansangu ya mbote ya yinki? Yandi me vumbuka na lufwa. “Mpe samu Mu ke zinga, beno mpe ke zinga.” Beno yina vwandaka ntete ya kufwa na disumu mpe banzimbani, Nzambi me kindisa beto kintwadi, na nzila ya Mpeve yina vumbulaka Yesu na lufwa. Mpe beto kele ntangu yayi ya kuvwanda na bisika ya Mazulu na Yandi, na kubundanaka na Yandi, na kuzonzaka na Yandi. Wapi kiese na kutuba disolo ya bantu yina, yina ke kwikila ti ya kele Kieleka!

45 Mu ke kukiyufula, bubu yayi. Ya kele yina ke na kusalamaka. Ya kieleka beto ke na kunata bantu na Nzambi, to beto ke na kunata bawu na yinzo-Nzambi? Beto fwana nata bawu na Klisto, kisika yina kele ngolo yayi ya nkindusulu. Ya kele mbote na kukwenda na yinzo-Nzambi. Kieleka. Kana ya kele ntama mutindu beto ke kwenda, ya kele mingi ve. Ntangu beno ke kwizaka na dibuundu, ya kele mbote; kasi beno landila tii na Klisto, kubanda na dibuundu, samu beto fwana kuzwa ngolo yayi ya nkindusulu, kana beto ke vingila kuvwanda na mvumbukulu yina ya bantu nionso, samu ti ya kele kima kaka yina ke basisa beto na lufwa. “Samu kana Mpeve yayi me vumbula Yesu na lufwa na kati ya beno, Ya ke kindisa diaka,

kusala, kunata luzingu na banzutu ya beno yina ke kufwa.” Wapi nsilulu samu na beto!

⁴⁶ Ntangu yayi beno tala. Kisalu ya kulutila nene ya mvumbukulu yayi fwana kutuba mpe kulakisa, mpe samu na kusiamisa ti Yesu me vumbuka na lufwa. Yandi kele ya kufwa ve. Yandi kele moyo. Yandi kele moyo awa. Yandi kele na kati ya beto. “Mu ke vwanda na beno, ata mpe na kati ya beno. Na ntangu fioti mpe yinza ke mona Munu diaka ve. Kasi, beno ke mona Munu, samu Mu ke vwanda na beno, ata mpe na kati ya beno, tii na nsuka ya yinza.”

⁴⁷ Ntangu yayi, mutindu Baklisto, beto nionso ke tubaka ti Yandi kele moyo, to beto me kindisama na—na luzingu yina me kindisama . . . na lufwa tii na Luzingu, na Mpeve ya Yandi. Mpe kana beto me kindisama ve, na yina beto me kuzwa ve luzingu.

⁴⁸ Ntangu yayi beto ke kota na dilongi yayi, kana Mfumu zola, mpe mutindu ya kulonga yawu na mwa ntangu fioti, mutindu yina: beto me kindisama, mpe beto lenda ndima ti yayi kele Kieleka?

⁴⁹ Ntangu yayi, yayi kele luzingu ya beno mosi, yayi kele luzingu ya munu. Ya ke kisika yina . . . Kana yayi ke Kieleka ve, yina mu zola tuba, na yawu mu ke mosi ya bantu ya bulawu na yinza. Mu me pesa luzingu ya munu samu na kima mosi kele na mfunu ve, mpe mutindu mosi na beno. Kasi kana yawu ke Kieleka, na yawu mu ke pesa konso kima yina mu kele. Mu fwana pesa nionso mu lendaka vwanda, samu na yawu, beto me telema. Mpe mu banza ti beto fwana kipe ve kyese ya beto.

⁵⁰ Mpe mutindu beto ke mona Paki ke kuma pene-pene, ya ke sala kaka kima mosi na kati ya munu, mutindu mu—mu zaba ti ya kele kilumbu yina kima wandaka ya kutula kidimbu kukondwa nsuka, na meso ya Nzambi.

⁵¹ Ntangu yayi, beto me bakula, ya kele Mpeve mosi yina vumbulaka Yandi na ntoni, yina ke zinga na kati ya beto. Ntangu yayi, wapi mutindu ya lendaka vwanda? Mpeve yina vumbulaka na lufwa, Nzambi, Yesu na lufwa, yina ke na kuzinga na kati ya beto.

⁵² Ntangu yayi, ntangu yayi, kele Mpeve yina ke kindisaka. Yawu kele ve Ndinga ke kindisaka. Ya kele Mpeve yina ke kindisaka Ndinga, to ke pesa Ndinga Luzingu, ke pesa Yawu mapapu samu na kupumbuka, ke pesa Yawu muswa. Ya kele Mpeve yina ke salaka yawu.

⁵³ Ntangu yayi, blé, yandi mosi, kele kaka blé; kasi ntangu luzingu ya nkindusulu ke kota na kati ya yawu, na kati ya blé, na yina ya ke pesa luzingu. Mpe beto yina wandaka mbala mosi ya kufwa, beto salamaka na kizizi ya Nzambi, mpe kasi kufwaka na disumu mpe nzimbani, ya kele na mutindu Nzambi kele na yawu samu na kunata Luzingu yayi ya nkindusulu na kati ya banzutu ya beno ya lufwa. Mu ke tubila nzutu ya beno.

54 Ntangu yayi, Yesu vwandaka Ndinga. Beno ke kwikila yawu, mutindu yina ve? “Na mbandukulu. . .” Santu Jean 1, “Na mbandukulu vwandaka Ndinga, Ndinga vwandaka na Nzambi, mpe Ndinga vwandaka Nzambi. Mpe Ndinga vwandaka muntu mpe zingaka na kati-kati ya beto.”

55 Ntangu yayi, mutindu Mesiya yina ba silaka, Yandi kindisaka konso Ndinga yina pesamaka na profesu ti Yandi ke sala; kubelusa bambevo, mpe wapi mutindu Yandi ke butuka na mwense, nionso yina, Yandi salaka yawu. Ya kieleka. Yandi vwandaka Ndinga, yina me monisama awa na zulu ya ntoto, kasi Yandi lendaka sala yayi ve kaka mutindu Muntu. Ya bakaka Mpeve ya Nzambi, yina vwandaka zinga na kati ya Yandi, samu na kukindisa bansilulu yayi na Yandi. Mu banza ti beto me bakula yawu ya kieleka ntangu yayi. Yesu, na kuvwandaka Muntu, Yandi mosi, nzutu, kasi ya bakaka Mpeve na kati ya Yandi, Mpeve. “Ya kele Munu ve yina ke salaka bisalu. Ya kele Tata ya Munu yina ke zingaka na kati ya Munu. Yandi kele Yandi yina ke salaka bisalu.” Beno me mona? Yesu Yandi mosi vwandaka Ndinga, samu Yandi vwandaka . . . Na ntwala ya Nzambi . . .

56 Yayi kele mpova ya yimbi samu na kusadila, mpe mu ke na kivuvu ti beno ke baka yawu, na ntwala ya bantu. Kasi Yandi zabaka na ntwala na nzila ya luzabu ya Nzambi, wapi mutindu dikani ya Nzambi zolaka vwanda, ti Yandi ke fidisa Mukudi, mpe Mukudi yayi zolaka vwanda kaka Mwana ya Yandi Mosi. Na yina, na yina, yina vwandaka nsilulu ya Nzambi, nzila nionso kubanda disamba ya Eden, ti Yesu ke vwanda awa. Awa Yandi vwandaka mutindu Muntu, ya kubutuka na mwense, kasi ya bakaka Mpeve ya Nzambi na kukindisa Ndinga yina samu na Yandi. Mpe Yandi vwandaka Ndinga, yina me kindisama, Ndinga yina me kindisama samu na ngunga yina. Ntangu me lunga yina beno ke vwanda na Mukudi mosi. Musiku me kubwa. Bima yankaka me kubwaka. Ntangu yayi, ya ke lomba Mukudi, mpe Yandi vwandaka Mukudi yina ba silaka. Yandi kindisamaka na nzila ya Ndinga ya Nzambi.

57 Mpe ntangu yayi kana Mpeve mosi yina vwandaka na zulu ya Yandi samu na kuvwanda Mukudi na nsungi yina, ti beto me ndima ntangu yayi nsilulu ya bilumbu yayi ya nsuka, yina ke salama; kana beno kuma kitini ya Ndinga yina, beno kele ya kuvuluka na Yandi, samu Mpeve yina mosi zingaka na kati ya Klisto ke zinga na kati ya beno, ke kindisa luzingu na beno na nsungi yayi. Mpe Yawu ke vwanda diaka, na ntangu ya nsuka, samu na kukindisa banzutu ya beno yina ke kufwa, kuvumbula bawu na lufwa, kutelemisa bawu. Yina ke nata mpimpa ntama ntangu beto ke tala yawu. Mpe yina—mpe yina ke Kieleka. Beno me mona?

58 Romains awa, Paul me lakisa yawu na beto. Beno me mona? “Kana Mpeve yina vumbulaka Yesu na lufwa kele na kati ya

beno, Yawu ke kindisa diaka banzutu ya beno yina ke kufwa.” Yayi kele Mpeve mosi yina vumbulaka Yandi, yina kindisaka mukwikidi ya kieleka na Luzingu ya Kukonda nsuka. Mpeve yina vumbulaka Yesu na lufwa ke zingaka na kati ya mukwikidi, ke kindisaka mukwikidi na Luzingu ya Kukonda nsuka.

⁵⁹ Ya kele kaka na Luzingu mosi, Mpeve mosi ya Seko, Luzingu mosi ya Kukonda nsuka, mpe ya kele Nzambi. Nzambi, yandi mosi, kele ya Kukonda nsuka. Na yina beto, na kuvwandaka bana ya Yandi, kele kitini ya Yandi, yina kele, bisalu ya dibanza ya Yandi. Mpe dibanza me tubama mpe me kuma ndinga. Na yina, muntu nionso na kati awa, yina ke na Luzingu yayi ya Kukonda nsuka, vwandaka ntete mbandukulu ya yinza, na dibanza ya Nzambi. Ya ke mutindu mosi kaka ya lunga vwanda, samu beno kele kinama. Yina kele nzonzolo ya dibanza mosi, me kuma Ndinga; mpe Ndinga me baka Luzingu, mpe ya kele ya Kukonda nsuka. Ya kele samu na yina beto kele na Luzingu ya Kukonda nsuka. Na musiku ya mutindu mosi yina Mwana ya Nzambi ya nene, Mukudi; beto me kuma bana-babakala mpe bana-bakento ya Nzambi, na nzila ya Mpeve yina mosi, na nzila ya luzabu mosi ya mantwala ya Nzambi.

⁶⁰ Beno tala mafuku ya ntoto bayina kuzwaka Yawu ve ntangu Yesu vwandaka awa. Kasi wapi mutindu beto fwana vwanda na suka yayi, na kuzaba ti beto kele na nzikisa ya ntwadisi mpe kimbangi ya Biblia, ti ba me kotisa beto na mvumbukulu na suka yina ke na kwisa, Paki yina ya nene. Beto kele na ndandu ya yawu, kaka ntangu yayi na banzutu ya beto yina ke kufwa. Bayina ba soolaka kele ya ntete, ya kieleka, na kukindisama, ntangu Mpeve-Santu ke kwiza samu na kulomba Yawu.

⁶¹ Ntangu yayi, ya kele na nsamunu mosi ya nene, mpe mu zola bampangi ya munu ya balongi kumeka kubakula yayi. Beno me mona? Na mbandukulu, Nzambi, Mpeve ya nene, Yandi vwandaka kwandi ve “Nzambi” kuna. Yandi vwandaka Yandi ya Seko. *Nzambi* kele “kima ya kusambila.” Yandi vwandaka ve na kima ya kusambila Yandi. Ya vwandaka ve—ya vwandaka ve na Bawanzio, kima mosi ve. Kaka Nzambi kaka, Yandi mosi, kele ya Kukonda nsuka. Kasi, samu na kuvwanda Nzambi, ya zolaka vwanda na kima mosi samu na kusambila Yandi, na yina Yandi vangaka Bawanzio, mpe Bantu, mpe Chérubin, mpe nyonso yina, samu na kusambila Yandi. Dikani ya Yandi ya nene bandaka na kumonana.

⁶² Kasi beno bambuka moyo, beno, na ntela yina beno kele, na suka yayi, kana beno vwandaka ve na kati ya dibanza ya Yandi, beno kele ve ntangu yayi. Samu na beno, ya kele na kitini yina kele na kati ya beno, ya kele ya Kukonda nsuka, mpe ya Kukonda nsuka kaka kele ya Nzambi. Mpe na kati ya Nzambi vwandaka dibanza ya Yandi ya kuvwanda kaka kisika beno kele ntangu yayi. Na dibanza ya Yandi, mu telemaka na chaire na suka yayi, samu Yandi kele ya seko mpe zaba mambu nionso. Na yina Yandi

lenda tuba nsuka katuka mbandukulu, samu ti Yandi kele ya Seko. Mpe beno, na kuvwandaka mwana ya bakala ya Nzambi to mwana ya kento ya Nzambi, kuna beno vwandaka na kati ya dibanza ya Yandi na mbandukulu.

⁶³ Mpe na yina ntangu Mpeve-Santu ke kwisa, mpe beno kele na zulu ya ntoto, ke tambula awa mutindu nsumuki, kuna na luzingu ya beno ya kele na kima mosi. Beno zaba ve yina ke na kusalamaka, kasi beno kele na nsatu. Mu kuwaka mpangi ya bakala ya Presbytérien; Mu waka nzonzolo ya ba Baptiste, kuna na manima, yandi vwandaka Baptiste ya Kimpwanza, yina vwandaka longa sika wapi yandi lunga sala. Mpangi ya munu ya bakala, ti beno, ya kele na kima mosi na kati ya beno, kima yina beno ke tulaka ata mbala mosi ve kuna. Ya kele kima yina beno lenda ve kuvwanda na kati kuna. Ya kele kima yina kele ya kuswaswana na nkadulu ya beno mosi. Ya kele luzabu ya mantwala ya Nzambi, yina ke na kubaka kisika, Ndinga ya Nzambi.

⁶⁴ Mutindu Yesu butukaka Mwana ya Nzambi, samu na kuvwanda Emmanuel, nzonzolo ya muvimba ya Nzambi na kati ya Muntu. Mpe Yandi monaka Yandi na kutumama ya kulunga, kuna na Nzadi ya Jourdain, yina me botama na profete yina. Mpe ntangu Yandi tumamaka na Yandi, mpe basikaka na maza, Mazulu zibukaka na Jean. Mpe yandi monaka Mpeve-Santu kukulumuka na Zulu, na kutubaka, “Yayi kele Mwana ya Munu ya luzolo.” Beno me mona? Kutumama ya kulunga, Mpeve sosaka Yandi, na kutumama.

⁶⁵ Oh, bakala to kento ya koyi-koyi, na suka yayi, ntangu beno kele ya kuvwanda awa, mpe ya kele na kima na kati ya beno yina ke tuba na beno ti Yayi kele kieleka, ya kele Mpeve-Santu yina ke na kusosa beno, samu na kunata beno na luzabu ya Kieleka ya ngunga yayi yina beto ke na kuzinga ntangu yayi, ngunga yina me luta ve, ngunga ya ntangu yayi.

⁶⁶ Ya vwandaka na mafunda kuna yina vwandaka tumama na ngunga yina lutaka. Kasi ya vwandaka na ngunga ya ntangu yayi, yina vwandaka ngunga yina Yesu zolaka monisama, mpe kuna telamaka Ndinga. Bantu vwandaka kuna. Mpe awa vwandaka kumonisama ya Nzambi yina vwandaka salama, samu na kusiamisa ti yina vwandaka Kieleka.

⁶⁷ Mpe mutindu bantu ya pentecote, bubu yayi, bika mu tuba yayi, ti beto me telama na bilumbu ya nsuka yayi kisika Nzambi silaka ti Yandi ke mwangisa Mpeve ya Yandi na zulu ya bantu nionso, mpe bana ya Yandi ya babakala mpe bana ya bakento zolaka pesa profesu. Samu Yandi tubaka, “Bidimbu yayi ke landa bayina ke kwikila.” Ya kele ngunga. Ya kele yina ke salaka luvangulu yina na kati ya beno.

⁶⁸ Mutindu mu vwandaka me tuba awa, ntama mingi ve, ya vwandaka na mwa mafingu fioti; kasi mu banza ti ya ke mutindu

yina ve, samu na beno, na suka yayi. Fermier yina vwan-disaka ngononi, to vwan-disaka nsusu ya kento, mpe kuzwaka diki ya ngononi. Mingi ya beno ke bambuka moyo na disolo ya ngononi ya ntama yina pesaka mbutukulu na—na yayi. . . To, nsusu ya kento yina kubutaka awa na nsusu yayi, to—to—to diki ya ngononi na nsi ya mansala ya yandi. Beno me mona? Ya kele atimosifere.

⁶⁹ Dibuundu ya ba-Presbyterien, dibuundu ya ba-Methodiste, dibuundu ya ba-Baptiste, bawu nionso lenda basisa bangononi yayi. Kieleka. Ya kele atimosifere yina ke sala yawu. Mutindu Docteur Bosworth vwan-daka tuba, “Benolenda baka diki ya nsusu mpe beno tula yawu na . . . na nsi ya yimbwa ya ntwenia, mpe kukanga yandi kuna, yimbwa ya ntwenia ke basisa nsusu.” Samu na yinki? Ya kele atimosifere. Mpe ntangu dibuundu mosi to kimvuka me vukana kintwadi, mpe kusambila tii kuna bawu ke tula ntama ba-credo ya bawu mpe nyonso, mpe ke tala mbala mosi na kizizi ya Nzambi, ya ke basisa bangononi kaka kieleka mutindu mu me telama awa.

⁷⁰ Yawu yina mu ke banza ti kimvuka ya bantu ya mumbongo yayi me sala, kumeka na kubuka atimosifere. Betoke na kukumaka bantu ya dikanda. Mosikele ya *yayi* mpe *yina*. Betoke kubuka atimosifere mpe beto kotisa atimosifere ya bisambu ya Mazulu. Benokuzwa atimosifere ya kieleka, bangononi ke butama, mpe—mpe na dibuundu mosi, kisika.

⁷¹ Mpe mwa ngononi yayi ya fioti tambulaka na nsusu ntangu ya yinda, kasi monaka ti kuyimba ya yandi vwan-daka ya ngitukulu. Yandi vwan-daka bakula ve yina nsusu vwan-daka tuba ntangu ya vwan-daka sandula na kati ya kinkuku ya fumier na—na kati ya lupangu. Mpe yina vwan-daka madia ve, samu na yandi. Mpe yandi ke dia banzinzi, mpe nionso yina, ngononi ke kudiaka yawu ve. Na yawu ya monanaka ya ngitukulu, na nionso, samu na yandi. Mpe yandi vwan-daka mutindu yankaka ve; yandi vwan-daka, na kutubaka ve samu na kuvweza yayi, mu banza ti yandi vwan-daka Muntu ya Kimpwanza, mpe, kasi kima mosi na nzila yina, to Presbyterien.

⁷² Kasi, benozaba, kilumbu mosi mama ya yandi zabaka ti yandi vwan-daka na diki. Kuvwandaka na mwana mosi kisika mosi kuna. Na yawu yandi losaka mapapu ya yandi ya nene na kati ya mipepe, mpe yandi talaka na yina mpe yandi talaka na nganda, yandi bandaka na kuboka na ndinga ya ngolo. Mpe kilumbu mosi, yandi lutaka kuna na fulu. Mpe ntangu mwa ngononi yayi kuwaka kuboka yayi, yandi kuwaka yawu ntete ve, kasi yandi zabaka ti ya vwan-daka ya kukangama na yandi mutindu gant na diboko. Mpe yandi zabaka ti yina vwan-daka mama ya yandi. Yandi zabaka ti yina vwan-daka mwana ya yandi ya bakala. Yandi vwan-daka sosa yandi.

⁷³ Na yina Nzambi kele, na konso nsungi, yina me tuma Dibuundu ya Yandi samu na nsungi yina, Nsangu ya nsungi yina. Mpe bawu zolaka kuzwa misiku mpe nyonso yina bawu zola. Kasi ntangu ngunga yina ke kwisa, Mpeve-Santu ya Nzambi, yina vwandaka na mbatukulu mpe zabisaka na nsungi yina, Mpeve yina vwandaka sosa diki ya yandi. Mpe ntangu yandi ke kuwa Nsangu yina, ya kele ve na denomination ya dibuundu yina ke kanga yawu. Ya ke telama na zulu ya yandi. Ya fwana vwanda. Ya kele ndeke ya mutindu yankaka. Ya kele kivangu mutindu yankaka. Yandi kele ngononi, mpe yandi ke kuwa kuboka. “Mameme ya Munu ke kuwa Ndinga ya Munu.”

Mutindu muntu mosi tubaka, Mpangi Williams, “Madia ya Mameme.”

⁷⁴ “Mameme ya Munu ke wa Ndinga ya Munu. Bawu ke landa ve nzenza.” Ata ti dibuundu vwandaka ya kukwikama, mpe wapi mutindu ya vwandaka na nkumbu ya nene. “Ntangu mameme ya Munu ke kuwa Ndinga ya Munu,” yina kele Ndinga, “bawu ke landa ve nzenza.” Bawu ke kwenda mbala mosi na Ndinga yina, mpe lunga sala yawu. Yawu ke mutindu aimant.

⁷⁵ Kilumbu mosi, kuna na Indiana, mu vwanda tala izine yayi ya bisengo, mpe sifflet bulaka. Mpe bantu nionso vwandaka katula ba-tablier ya bawu, mpe bandaka na kukombula... bandaka na kukombula, kisika ya yandi ya bamvindu yina bawu salaka na kilumbu. Mpe mu vwanda tambula na muntu yina vwandaka nata munu, mpe yandi tubaka, “Beno tala mbote yayi.” Mpe na yawu bakala nionso katulaka tablier ya yandi—ya yandi mpe tulaka yawu na zulu ya mesa, bawu kwendaka.

⁷⁶ Kuna na nsuka ya atelier, yandi simbaka bouton mosi ya fioti. Mpe awa me kwiza aimant ya nene mingi, mpe yawu lokotaka bitini nionso ya kisengo yina kubwaka na bitini yina ya izine, kuna, mpe kwendaka. Yawu bikaka kubenda; yawu bwaka na kati ya kibilo. Mpe yawu nienaka diaka, samu na kusala kima yankaka ya—ya bisengo, kima mosi, ba-essieux to yina ba vwandaka sala kuna.

⁷⁷ Mpe mu telemaka kuna mpe talaka yawu, tii kuna mu—mu me zimbana munu mosi. Mpe mu tubaka, “Mu ke kukiyufula kima mosi.”

Yandi tubaka, “Wapi diambu, tata?”

Mpe mu tubaka, “Mu me bakula ti ndambu ya yawu me mata ve.”

⁷⁸ Yandi tubaka, “Ya kele aluminium, mpe aimant ke bendaka ve aluminium.”

⁷⁹ Mu tubaka, “Mu me mona.” Mpe yandi tubaka... Na yina mu tubaka, “Mbote, beno tala, *kele* na kitini ya kisengo na zulu ya yawu.”

“Kasi, nge me mona, tata, ya vwandaka ya kukanga na boulon.”

⁸⁰ Mu tubaka, “Mu me mona.” Mpe ntangu yandi nataka yawu, mu tubaka, “Ntangu yayi yinki salamaka, *kuna?*”

⁸¹ Yandi tubaka, “Ya me vtuka mbala mosi na kati ya atélier, ba ke mwangisa yawu na kati ya mbungu, mpe ke vtuka kaka mpe ke sala piné yankaka.”

Mu tubaka, “Lukumu na Mfumu!” Yawu yina. Beno me mona?

⁸² Ya kele na aimant ya nene yina kele ya kuvwanda na zulu, ti Nzambi kilumbu mosi ke simba misapi ya Yandi. Muntu ve zaba ntangu Yandi ke Kwisa, Bawanzio ya Mazulu ve, me zaba yawu ve. Nzambi kaka me zaba yawu. Kasi ya vwandaka na mwa ba-paire yina me katuka na Biblia, Biblia Baklisto, bakwikidi ya ngunga yayi. Mosi na kati ya bawu fwana essieux kuna kilumbu yankaka. *Yayi* lendaka vwananda kitini yankaka. Ya ke vwananda samu na kusala kisalu ya nene ya Nzambi. Kasi yawu nionso ke niena na kati ya kibilo ya nene ya Nzambi, mpe ke tiamuka diaka samu na kuvwanda na kifwani ya Nzambi. Mpe kaka bayina ba me bendama na yawu ke zanguka. Oh, wapi mutindu. . . Wapi ntangu ya mbote ya kele, na kuzaba ti ya kele na kima mosi na mvumbukulu yina me fwanana na beto!

⁸³ Ntangu yayi, beno tala, kundima lubokilu ya Ndinga ya Nzambi, yina yandi kele kitini ya yawu. Mpe ya kele ngononi na ngononi. Ntangu yayi, kana mama yina lendaka boka mutindu ngoy-ngoy, yandi zolaka zaba yawu ata fioti ve. Yandi vwandaka kaka na mavimpi ya mbote na kati ya lupangu ya bansusu. Kasi ya vwandaka kuboka ya ngononi. Ya vwandaka na kima mosi na kati ya mwa muntu yina, yina yandi zabaka ti yandi vwandaka ngononi.

⁸⁴ Mpe kima ya mutindu mosi kele na konso mukwikidi ya kieleka. Ntangu malongi ya Ndinga ya Nzambi me basika, mpe me siamisama mpe me talisama ti ya kele Ndinga ya Nzambi samu na ngunga yayi, na yina ya kele na Kima mosi na kati ya mukwikidi. Mu ke kipe ve wapi mutindu tata ya yandi vwandaka ya dibuundu, to wapi mutindu mama ya yandi vwandaka ya kukwikama, to bankooko ya yandi, mpe kana dibuundu yango ke na kulongaka kuswaswana na ngunga yayi ya mbotika ya Nsangu ya Mpeve-Santu. Ya kele na kima na kati ya yandi yina ke bokaka. Yandi ke bika lupangu ya bansusu. Yandi fwana kusala yawu. Nsusu lendaka vwananda mbote kilumbu mosi, kasi yayi kele nsungi ya ngononi. Beno me mona? Ya—ya kele luswaswanu. Ya kele na kima mosi, ti, yandi fwana bika yinzo ya bansusu mpe kupumbuka na zulu. Na yina nzutu yayi ya ntoto me kindisama mpe me natama, na nzila ya Mpeve ya nkindusulu, samu na kutumama na Ndinga ya Nzambi.

⁸⁵ Ntangu yayi, ntangu Mpeve-Santu yayi, talisamaka mutindu ngononi yina vwandaka pumbuka na yinsi, mpe yandi monaka mukwikidi. “Muntu ve lenda kwisa na Munu, muntu mosi ve lenda kwisa na Munu mutindu yandi zola. Nionso yina Tata me pesa Munu ke kwisa na Munu, kasi muntu mosi ve lenda kwisa na mutindu ya yandi mosi.” Ya kele ve dibanza ya beno mosi, yina kele na kutala. Ya kele Nzambi, ke na kutalaka. Beno me mona? “Nyonso yina Tata me pesa Munu ke kwisa na Munu.”

⁸⁶ Ntangu yayi, Mpeve-Santu kele awa na zulu ya ntoto, ke na kutala bantu yina Nzambi me tuma na Luzingu na nsungi yayi. Mpe kaka na ntangu Yandi ke mona yawu, Yandi ke sala kaka mutindu Yandi salaka na Yesu Klisto, Mwana ya Nzambi ya nene yina vulusaka beto nionso. Yawu ke kulumuka mpe ke baka kisika ya Yawu ya kuzinga na luzingu ya muntu, ntangu yayi, beno tala, me nata ngolo ya nkindusulu. Ntangu yayi, ngolo yina ya nkindusulu yina kwisaka na zulu ya Yesu kindisaka Yandi samu na kutalisa nsilulu ya Ndinga ya ntangu yina. Mutindu mosi Mpeve-Santu ke kwisa na zulu ya beto na kilumbu yayi, kana ya kele ve mpeve-santu yina ke ninganaka ve, kana ya kele ve diabulu yina ke vweza Mpeve-Santu, kasi ya kele Mpeve-Santu ya kieleka, ya kieleka. Ya ke talisa nsilulu ya ngunga yayi.

⁸⁷ Ntangu Yawu kulumukaka na zulu ya Luther, Yawu monisaka nsilulu ya ngunga yina. Ntangu Yawu kulumukaka na zulu ya Wesley, Yawu monisaka nsilulu ya ngunga yina. Ntangu Yawu ke kulumuka na kilumbu yayi, Yawu ke talisa nsilulu ya ngunga yayi. Ntangu Yawu kulumukaka na zulu ya Moise, Yawu monisaka nsilulu ya ngunga yina. Kubwaka na zulu ya Noé, Yawu monisaka nsilulu ya ngunga yina. Ntangu Yawu kubwaka na zulu ya Yesu, Yawu monisaka nsilulu ya ngunga yina. Beno me mona?

⁸⁸ Ya kele Mpeve-Santu yina ke kulumuka, samu na kukindisa, samu na kulungisa bantu yina ba soolaka samu na Nzambi samu na kuvwanda na Enlevement. Beno tala. Ya kele, kana yandi kele ngononi ya kieleka, yandi ke bakula Nsangu ya ngunga kana yandi kele ngononi ya kieleka. Ntangu yayi, mwa ngononi yayi ya fioti, na kati ya lupangu ya bansusu, vwandaka kudia mbote, kasi yandi—yandi zabaka ti ya vwandaka ve kaka ya kulunga. Kasi kuna ntangu yandi kuwaka Kieleka, kuna yandi kuzwaka Kieleka yayi. Ntangu yayi, na Jean 14. . .

⁸⁹ Jean 5:24, na kisika, Yesu tubaka, na kuzonzaka mutindu yayi, “Yandi yina ke kuwa Bandinga ya Munu, mpe ke kwikila na Yandi yina fidisaka Munu, kele na Luzingu ya kukonda nsuka, mpe ke kwiza ve na lufundusu, kasi me luta lufwa na Luzingu.” Beno banza kaka mutindu ya kele mpasi ve, “Yandi yina ke kwikila.” Ntangu yayi, mutindu ya kulunga ya kutuba yawu, “Yandi yina ke bakula.”

90 Ntangu yayi, beno ke basika awa na bala-bala mpe ke tuba na kento yayi ya kindumba, “Beno ke kwikila?”

“Kieleka.”

“Nge ke kwikila ti Yandi kele Mwana ya Nzambi?”

“Kieleka.”

“Me botamaka?”

“Kieleka.”

91 Kwenda kuna na munwi-malafu, tuba, “Nge ke waka Yawu? Kuwa longi yina kulonga?”

“Yinga.”

“Nge ke kwikila Yawu?”

“Kieleka.” Beno me mona?

92 Kasi, “Yandi yina ke bakula, yandi yina zaba ti kele kisika ya yandi na ngunga yayi, yandi yina ke kuwa Ndinga ya Munu mpe ke kwikila na Yandi yina fidisaka Munu, kele na” (na ntangu yayi) “Luzingu ya Kukonda nsuka. Ke kwiza ve na Lufundusu, kasi me luta yimeni lufwa na Luzingu.” Na yina ntangu Luzingu ya malu-malu ya Kukonda nsuka yayi ke zinga na kati ya beno, Ya kele nzikisa, to ndandu ya beno ya kuvwanda ya kukindisama katuka na yina ke kufwaka na yina ke kufwaka ve.

93 Bika mu tuba yawu diaka. Ntangu Mpeve yayi me kuzwa nge, muntu, mpe me kwiza na zulu ya nge, Ya kele nzikisa ya difwa ya beno ya Kukonda nsuka yina Nzambi banzaka na beno mpe me sala samu na beno na ntwala yinza kusalama. Yayi kele nzikisa ya beno.

94 Mutindu kana beno me lomba munu yinti ya chène, mpe mu me pesa beno gland. Ntangu yayi, luzingu ya yinti ya chène kele na kati ya gland, kasi beno fwana vingila tii ya ke kula.

95 Mutindu mosi na beto. Ntangu beno ke kuzwa Mpeve-Santu ya Nzambi, Ya kele nzikisa ya Nzambi ke na kuingila samu na beno, ya me zaba beno dezia. Mpe beno kele ya kutula kidimbu na nzila ya Mpeve ya nsilulu, ya Nzambi, na kati ya Nzutu ya Klisto. Ntangu Nzambi talaka kuna na Calvaire mpe monaka Yesu ke kufwa, Yandi kaka ve. . . Yandi kufwaka samu na Kento ya Yandi ya makwela, Nzutu, yina kele Ndinga Dibuundu, Dibuundu yina ke kwikilaka Ndinga ya Nzambi samu na nsungi, ata ti ya kele makulu, nzutu, yintu, to konso kisika yina ya kele. Beno me mona? Ya kele. . . Klisto vwandaka basisa menga mpe vwanda kufwa. Mpe Nzambi, vwandaka tala na zulu ya Yandi, monaka mvumbukulu ya Yandi, mpe Dibuundu vumbukaka na Yandi na Paki.

96 Ntangu yayi, mu zola ti beno nionso vukisa yawu, samu mu ke na kima mosi awa na mwa ntangu fioti, mu zola tuba, kana Mfumu kuzola.

⁹⁷ Ntangu yayi beno tala. Ya ke ndandu, to nzikisa ya kulutila. Ngolo ya nkindusulu ya mvumbukulu ya beno, ntangu beno ke kuzwa Mpeve-Santu, na yina kuzinga na kati ya beno, nzikisa ya yawu.

⁹⁸ Beno tala, beno—beno kele ntangu yayi na nzila ya beno, beno ke na kukulaka na mvumbukulu ya muvimba. Ata yinti mosi ve ke kulaka kaka bubu mpe mbasi. Ya fwana kukula, na yina beto ke kula na lemvo mpe luzabu ya Nzambi. Beno me botama na Mpeve-Santu. Ntangu yayi, mutindu Dibuundu ya pentecote, yina bakaka mbotika na Mpeve-Santu, Yawu me banda na kukula. Bintala me kufwa. Ba me katula yawu. Kasi Yinti ke na kukula, ke na kukwenda kaka na ntwala, samu ti Yawu fwana kwiza na mvumbukulu.

⁹⁹ Ba me twadisama na Mpeve, samu na kukindisa Ndinga na beno yina kele bakwikidi. Ndinga ke kebaka nkindusulu, mutindu beto ke kuma na kintala ya ntete, kintala ya zole, kintala ya tatu, kulutila mingi na zulu. Ya ke landila na kukindisa. Mpeve ya Nzambi ke landila na kukindisa beno.

¹⁰⁰ Beno tala yawu, Pentecote, banzutu ya bawu kindisamaka na nzila ya Luzingu ya malu-malu bawu kuzwaka. Yina ke sala munu musambidi. Beno banza. Ntangu yayi, awa vwandaka bantu, milobi-mbisi, bafutisi-mpaku, bakento ya bantwenia ya kukikulumusaka ya . . . mpe kaka bakento ya yinzo mutindu bakento nionso, bana-bakento ya bantwenia ya mwense. Bawu vwandaka bakwikidi. Bawu vwandaka kwikila ti yayi vwandaka Kieleka. Bawu kwikilaka yawu, ntangu Yesu kufwaka (Bawu kwikilaka na Yandi.) mpe vumbukaka diaka na lufwa, na bantu ya kufwa, bawu kwikilaka ti yina vwandaka kieleka kimbangi ya Nzambi, ti Yandi kindisaka Yandi na luzingu.

¹⁰¹ Ntangu yayi, bawu ke mata, na Kilumbu ya Pentecote, samu na kuzwa mukanda ya muswa ya bawu. Beno zaba yinki kele mukanda ya muswa? Kele ntangu ba me samuna muswa ya kima mosi. Ya me mata kuna na zulu samu na kubaka mukanda ya bawu ya muswa. Mpe bawu kumaka ya kukindisama, to yinki kiesee yayi! Bawu sumbaka yinsi yina; bawu sumbaka yawu. Bawu zwaka yawu.

¹⁰² Ya kele kieleka to ve? “Beto me mona Yandi kutelama, kasi ntangu yayi wapi mutindu samu na beto? Beto kele bambangi. Beto telemaka kuna mpe monaka Bakala ba me koma na kulunsi. Beto monaka matuti ke kwisa na zulu ya ntoto mpe ke kumisa mazulu mudidi. Mpe ntoto ninganaka mpe yawu ningisaka; ya vwandaka na kubwa ya ngolo. Na yina ntangu. . . Bawu tulaka Yandi na ntoni. Bawu tobolaka Yandi na ntima, na dionga, mpe bawu kulumusaka nzutu ya Yandi mpe tulaka yawu na ntoni ya Joseph ya Arimathée.”

¹⁰³ Mpe kuna bawu talaka, ti, na kilumbu ya tatu, Yandi vumbukaka dyaka. Mpe mutindu kilandi tubaka, “Beto kele

bambangi ya yayi. Beto me mona Yandi me vumbuka na lufwa. Beto zaba ti Yandi kele moyo.”

¹⁰⁴ Ntangu yayi yinki yawu salaka? Yina nataka boma nionso na nganda. Kuyituka ve ti Yesu tubaka, “Beno vwanda na boma ve. Mu kele Yandi yina kufwaka, mpe kele moyo ntangu nionso.” Beno me mona? Yawu basisaka boma nionso, na ntangu bawu salaka mutindu yina.

¹⁰⁵ Ntangu yayi, kasi ntangu bawu mataka kuna na Pentecote, kuna bawu kuzwaka ngolo ya nkindusulu, ngolo yina pesaka bawu luzingu.

¹⁰⁶ Ntangu yayi ya kele kisika mu banza ti, beno ba-Presbytérien mpe bampangi ya ba-Methodiste, beno ke kuzwa nzikisa na kundimaka na Mfumu Yesu Klisto, kasi mukanda ya muswa me kwisa ntete ve. Yina kele muswa yina ba lendaka ve kutelemina.

¹⁰⁷ Nzambi pesaka Abraham nsilulu. Abraham kwikilaka na Nzambi, mpe yandi vwandaka ya kundimama samu na ludedomo. Kasi Yandi tulaka kidimbu ya ngwisani na nzila ya kidimbu ya nzenzengolo ya kibakala.

¹⁰⁸ Mpe Nzambi me pesa beno nsilulu, ya kieleka, ti beno ke kuzwa yawu, mpe ba ke vumbula beno na lufwa, nzutu yayi ke vwanda ya nkembo na Yandi na ntangu ya nsuka. Kasi, beno me mona, beno fwana kuzwa muswa na dyambu yina. Mpe muswa yayi kele ntangu ba me katula bima nionso me swaswana na yawu, mpe beno me kuzwa mukanda ya muswa. Beno kele na kidimbu. Ya kele ya beno. Nionso kele na yawu kele ya beno. Amen.

¹⁰⁹ Mpe ntangu beto ke kwikila na Yesu Klisto samu na Mvulusi ya beto, mpe beto ke balula ntima mpe beto ke baka mbotika, mpe beto ke kwisa samu na kukwikila na Yandi; Nzambi zaba kubalula bantima ya beto mpe lukwikilu ya beto na ntuala ya Yandi, mpe ke tinda mukanda ya muswa. Mpe mukanda ya muswa kele kivuvu. Ya kele kipiku ti, bima nyonso vwandaka ya kukangama na beno, beno me balula ntima samu na yawu. Alleluia! Mpe kima yango me sumbama, mpe beno me kuzwa mukanda ya muswa kele kivuvu.

¹¹⁰ Bika muntu mosi kumeka kubasisa beno na kitini ya ntoto yina, na kutubaka ti ya kele ya yandi, mpe na yina beno kele na mukanda ya muswa na diboko. Beno bika yandi kumeka kusala yawu. Ya kele ve na musiku na yinsi yina lenda sala yawu, samu ti beno kele na mukanda ya muswa.

¹¹¹ Mpe ya kele ve na diabulu, dibuundu, to théologie mosi, yina ke luta bandilulu ya nzikisa mpe mukanda ya muswa ya Nzambi, ti mbotika ya Mpeve-Santu me zaba beto na Yesu Klisto. Beto ke ndima kaka ti beto ke vumbuka mutindu Yandi vumbukaka na lufwa, samu ya kieleka beto me vumbukaka dezia na lufwa kati na Yandi. Amen.

¹¹² Bima ya ntama. Yinki ya ke sala na banzutu ya beto ya kufwa? Ya ke balula dibanza ya beto, ke sobaka mbanzulu ya beto. Ya ke tula bansatu ya beto na zulu ya bima yina kele na Zulu. Mpe kunwa makaya, kunwa malafu, kubula bansaka ya mbongo, bima yina beno vwandaka sala, kele ya kufwa. Ya kele na nsi ya beno.

¹¹³ Mpe beno me kindisama. Mpe ngolo yayi ya nkindusulu ke nata nzutu ya beno na mutindu ya kuzanguka, dezia. Beno tala bantu ya pentecote kuna, na ntangu bawu me kindisama na nzila ya Mpeve-Santu. Beno kuwa munu. Ntangu nkonga ya bantu ya pentecote yina kuna, na Kilumbu ya Pentecote, me kuzwa mukanda ya muswa ya bawu na Nzambi, kieleka, ya kembisaka mioyo ya bawu. Bawu bokaka. Bawu monaka milaka ya Tiya kukabukaka na zulu ya mosi na mosi ya bawu. Mpe yawu me kindisa mingi nzutu ya bawu, tii kuna bawu lunga tuba diaka ve na ndinga ya ntoto. Yawu kindisaka nzutu ya bawu na ndinga ya Mazulu, Kisika bawu ke kwenda. Ngolo ya nkindusulu ya Nzambi ningisaka banzutu ya bawu ya kufwa mutindu yina, tii kuna ndinga ya bawu ya muvimba ya kufwa vwandaka ya kukituka, sobaka na ndinga yina ke kufwaka ve. Ngolo ya nkindusulu! Yinki? Kima yina kele kitini ya beno.

¹¹⁴ “Kana Mpeve yina vumbulaka Yesu na lufwa, ke zingaka na kati ya banzutu ya beno yina ke kufwa, Ya ke kindisa diaka banzutu ya beno yina ke kufwa.” Beto me kindisama na nzila ya ngolo ya Nzambi ya moyo.

¹¹⁵ Bandinga, me kindisama diaka na ndinga ya Mazulu, samu na kutuba na bawu; me zanguka, me mata na atimosifere yankaka kulutila yina ba vwandaka zinga ntete. Diaka, na Luzingu ya malu-malu ya nkindusulu na bawu, yina me kwisa na kati ya bawu, Ya me kindisa ndinga ya bawu. Bawu zonzaka na bandinga ya malu-malu. Oh, yinga!

¹¹⁶ Ntangu yayi beno tala bawu mbote. Ba salaka yawu mpe samu na kupesa bawu, na manima ya mukanda yayi ya muswa, ba salaka yawu samu na kupesa bawu konso nsilulu yina vwandaka na kisika. Konso nsilulu kele na kisika ya Ndinga ya Nzambi, yina pesamaka na nsilulu na kati ya Biblia, ba pesaka bawu ngolo yina ya nkindusulu, samu na kukindisa nsilulu yina samu na bawu. Na yina, bawu tentikaka maboko na zulu ya bambevo, bawu belukaka. Bawu zonzaka na bandinga ya malu-malu. Bawu salaka bidimbu ya nene mpe mambu ya ngitukulu, samu yina vwandaka na nsilulu ya Nzambi. Mpe ntangu Yesu kufwaka, samu na kuvulusa bayina na kati ya bawu, kisika yina vwandaka bana ya Nzambi, Yandi talisaka yina Nzambi vwandaka.

¹¹⁷ Wapi mutindu beto lenda sala yawu kimvuka mosi mpe kukotisa yawu na kati ya organisation? Beto ke na muswa ya kusala yawu ve.

¹¹⁸ Ya kele Mpeve-Santu, bubu yayi, na kususaka bantima ya kieleka yina ke kwikila Nsangu yina. Bima nionso na kati ya Biblia, yina ba silaka, kele samu na mukwikidi yina. Mpe ntangu beno ke ndima yawu na muvimba, mpe Nzambi zaba ti beno ke sala yawu, Yandi ke pesa beno mukanda ya muswa samu na yawu. Mpe na yina konso nsilulu yina me salama kele na maboko ya beno, mpe Mpeve-Santu kele kuna samu na kukindisa yawu na beno. Oh, la la! Wapi—wapi mutindu ya bantu beto zolaka vwanda? Wapi mutindu ya kele mbote na kumona Mpeve-Santu ya nene ya Nzambi awa samu na kusala ngolo yina! Beno banza na yawu. Ntangu, Mpeve-Santu Yawu mosi, awa samu na kupesa kimbangi ya ngunga yayi. Yesu tubaka mutindu yina. Yandi ke mutindu mosi mazono, bubu yayi, mpe kukonda nsuka.

Wapi mutindu muntu lenda katula yawu na Kuna?

¹¹⁹ “Bisalu yina Mu ke sala,” Jean 14:12. “Bidimbu yayi ke landa bayina ke kwikila.” Yina kele kivuvu. Ntangu beto ke mona nkonga ya bantu kuvwanda kintwadi, mpe bidimbu yango ke monika yawu mosi, yina kele kivuvu ti mukanda ya muswa kele kuna samu na kusiamisa ti yina kele kima ya Nzambi. Amen.

¹²⁰ Na yina, beto kele Paki, diaka. Amen. Beto kele ntangu yayi na Paki ya beto. Beto me vumbuka dezia, alleluia, na bima ya yinza, na bima ya nsilulu ya Nzambi. Beto ke sala yawu ve; beto kele. Ya kele banzikisa.

¹²¹ Ya kele nsilulu ya Nzambi. Yandi ke mwangisa Mpeve ya Yandi na bilumbu ya nsuka, mpe ya kele yina bawu ke sala. Beno tala, ba me tentika maboko ya bawu na zulu ya bambevo; nyonso yina vwandaka na nsilulu ya Nzambi. “Mu ke mwangisa Mpeve ya Munu na bilumbu ya nsuka, na zulu ya bantu nionso. Biboba ya beno ke lota bandosi. Bantwenya ya beno ke mona ba-vision.” Mpe bansilulu yayi nionso ya luswaswanu yina Yandi salaka, bima nionso me tulama kuna na nsilulu ya Nzambi. Yesu vulusaka yawu na beto. Mpe ntangu beto ke kuma . . .

¹²² To, beto, kana ba me tumaka beto na ntoto yina, kana ba me tuma beto na kuvwanda na ntoto yina; mutindu ngononi ke tambula na kati buyamba ya nsusu. Kana beno kele ya kutumama na ntoto yina, Mpeve-Santu kele awa samu na kumona beno. Mpe na ntangu Yandi ke mona beno, beno ke ndima lubokilu ya Yandi. Beno zaba ngunga beno ke zinga. Beno zaba ti bima yayi fwana salama. Na nswalu nionso beno ke zanguka na kukutana na Yawu, mpe ntangu yayi beno kele ya kuvwanda na bisika ya Mazulu na kati ya Klisto Yesu. Oh, wapi nsilulu! Wapi Tata ya Mazulu, Yina ke pesa beto bima yayi!

¹²³ Mpeve ke kindisa kubundana ya bawu na Nzambi, na yina ti ba ke bokila bantu ya kufwa na luzingu, na kilumbu yina. Bawu tulaka banzutu ya bawu na zulu ya bantu ya kufwa; bawu kwisaka na luzingu. Beno kuwa mbote. Ba salaka bima mutindu mosi yina Yesu salaka samu ti Mpeve mosi, vwandaka na zulu

ya Yandi, vwandaka na zulu ya bawu. Kana Mpeve mosi kusala muntu kusala mutindu yayi, ya ke sala yina yankaka kusala mutindu yina. Kana mosi . . .

124 Wapi mutindu Yayi lendaka kwisa na zulu ya muntu yina, ke tubaka ti yandi kele na Mpeve ya Nzambi, mpe ke manga bisalu ya Nzambi? Yandi lenda sala yawu ve.

125 Beno tala. Luzingu ya Nzambi, yina kele na Grec yina ba ke bokilaka Zoe, ke luta na kati ya bawu mpe na kati ya bawu, yina me kindisa mabanza ya bawu na Ndinga ya Yandi. Ntangu yayi, bika mu tuba yawu kaka malembe ntangu yayi. Mpeve ya Nzambi yina ke sala na kati-kati ya bantu, ke kindisa mabanza ya muntu na nsilulu ya Nzambi. Beno me mona? Ya ke salaka yawu. Beno tala. Mpe mu ke na kumekaka na kulakisa beno . . . mpe ti beno bakula ti mu ke na kuzonzilaka ntangu yayi na Dibuundu, mpe diaka kindisamaka na Luzingu, na kati ya Yandi.

126 Ata ti, bawu vwandaka kaka bisalu ya Yandi, na kubanda. Kasi kana Nzambi tubaka, “Na kilumbu *yayi*,” kuna na mbandukulu, “John Doe ke vwanda kisadi ya Munu,” mafuku ya bamvula me luta. Ntangu yayi, John Doe me butuka na disumu, yandi me buta na disumu ya nkú, me kwisa na yinza na kuzonzaka baluvunu, samu ti yandi kele muntu yina ke kufwa. Kasi, ya lendaka vwanda ti, yandi ke kuzwa mwa nsatu mosi ya nsambulu. Yandi ke kwenda kota na dibuundu mosi. Ya lendaka vwanda yandi ke kota na dibuundu ya Pentecote. Beno zaba ve. Yandi lenda kota na kima mosi. Kasi bika yandi vwanda na nsi ya atimosifere ya Nzambi, mbala mosi. Beno me mona? John Doe kele ya kukangama na kuzaba Nani Tata ya yandi kele, kaka mutindu ngononi yina zabaka nani mama ya yandi vwandaka. Yandi fwana bakula yawu. Beno me mona? Kaka, ti John Doe kele kinama ya Nzambi yina me kuma ndinga, yina me zonga, mpe kuna Mpeve-Santu ke sosa ndinga yina. Yawu yayi. Yandi ke bokila yandi, ke pesa yandi Luzingu ya kukonda nsuka, mpe ke kotisa yandi na Mvwandulu ya Nzambi, Ndinga ya Nzambi.

127 Beno tala. Nzambi vwandaka na mutindu mosi ntangu Yandi monaka Yesu. Ya vwandaka kisalu ya kumanisa yina Nzambi manisaka na Yesu, ntangu Yandi tubaka, “Ya me suka.” Manaka nionso vwandaka me suka.

128 Mpe ntangu Mpeve ya Nzambi ke kwisa na zulu ya beno, mpe ya kieleka beno kele mosi ya binama ya Nzambi yina Yandi zonzaka. Ntangu yayi, kana beno kele ve, beno ke kukiyufula mpe beno ke zaba ve kisika ya kukwenda, mpe beno kwenda mbangu *awa* mpe *kuna*, mpe nyonso yankaka, mpe beno ke kwisa ata fioti ve na luzabu ya Kieleka. [Kisika ya mpamba na bande—Mu.] Kana beno kele mosi ya bima yango, bima ya ntama me luta kaka na nswalu, beno me mona, mpe beno me kuma ya malu-malu, mpe manaka ya mpulusu me suka. Beno me kubama na

kutumama na konso Ndinga yina Nzambi me tubila beno, beno me mona, samu beno ke sala. Beno me tumama na luyalu ya Ndinga ya Yandi. Kontra, kieleka, mukanda ya muswa yina samu na kontra, mukanda ya lenda kele ya beno. Bamfuka nionso me futama. Yawu nionso me basika, mpe mutindu ya vwandaka na Kilumbu ya Pentecote.

¹²⁹ Ntangu yayi beto ke bakula nkindusulu yango, Mpeve yayi ya nkindusulu na zulu ya bantu yankaka.

¹³⁰ Ntangu yayi, mu tubaka na nge ti mu lunga tuba mingi ve, mpe mu ke kaka na bamuniti makumi zole samu na kukeba ndinga na munu, kana mu sala yawu, beno tala, samu na kukeba na ntangu yina mu tubaka, na—na ngunga mosi.

Beno tala ntangu yayi ngolo yayi ya nkindusulu. Yina ke kwisa kaka . . .

¹³¹ Ntangu yayi, ya kele na kima mosi ya kuseka na Yawu. Ya kele na bantu mingi yina ke banzaka kieleka ti bawu kele na Yawu, na yina bawu kele na yawu ve. Bantu mingi ke salaka yawu samu na nsalulu ya yimbi samu na yina ba monaka Baklisto yankaka kusala. Satana lenda mekula konso kima yina. Beto zaba yawu. Mpe mutindu ba-missionnaire, beno lenda mona yawu ke mekula: kuboka, ke boka, na bandinga ya malumu, bima yayi nionso. Beno lenda mona yawu ke mekula konso kima. Ya kieleka. Na kati-kati ya mimpani mpe bantu yina ke manga ti ya kele na kima ya mutindu Yesu Klisto na kuvwandaka Mwana ya Nzambi. Beno me mona? Mpe bawu ke sala bima yina nionso, bawu mosi.

¹³² Kasi yina ya kieleka, Mpeve ya nkindusulu ya kieleka yina ke kwisa na mukwikidi, ke kindisa yandi na Ndinga ya Nzambi, yina ke vutula diaka na Madia ya ngononi, kuna na kisika yandi ke zingaka. “Muntu ke zinga kaka na dimpa ve, kasi na konso Ndinga yina me basika na yinwa ya Nzambi.”

¹³³ Ntangu yayi beto tala Mpeve yayi ya nkindusulu mutindu Yawu ke kwisa na zulu ya bantu yankaka, mutindu Yawu salaka na—na Kilumbu ya Pentecote.

¹³⁴ Beto tala na Pentecote, mutindu bawu salaka, mpe beto tala kana bawu kindisamaka na ngolo yayi ya nkindusulu yina beto ke tubila. Na Kilumbu ya Pentecote, bawu nionso vwandaka vingila kuna na zulu. Na kati ya bawu, bawu vwandaka na boma. Ba-Juif, kaka yina bawu zolaka sala, na yina bawu kumaka na boma. Kasi yinki salamaka? Ntangu ngolo yayi ya nkindusulu kulumukaka na Zulu, ya vwandaka na kikesa kwisaka na zulu ya bawu. Ya vwandaka na kima mosi, lubakusu, kisika bawu vwandaka ndima yawu ve bangunga fioti na ntwala. Bawu zabaka ti Yandi kufwaka—Yandi kufwaka.

¹³⁵ Bawu zaba ti Yandi me vumbuka na lufwa. Bawu zonzaka na Yandi na nzila. “Kasi yina vwandaka diambu samu na bawu, to yawu vwandaka samu na bawu, samu Yesu Yandi mosi?”

¹³⁶ Kasi awa na Kilumbu ya Pentecote, Mpeve-Santu, mukanda ya muswa ke kulumuka na zulu ya bakwikidi. Yina salaka bawu ndambu ya mvumbukulu ya Yandi, salaka yandi ndambu ya kubundana ya Yandi. Mpeve-Santu kwisaka mpe siamisaka na bawu ti ba ke zangula bawu, samu ya kieleka bawu vumbukaka na ntangu yina, katuka na koyi-koyi na babakala ya kikesa.

¹³⁷ Ba vwandaka—ba vwandaka na boma ya Ndinga ya kieleka yina ba vwandaka banza. Beno bika ve yayi kuluta beno. Bawu vwandaka na boma. Bawu zabaka ti Yandi vwandaka Ndinga yango.

¹³⁸ Mpe ba-Juif zolaka ndima yawu. Nicodeme tubaka, “Rabbin, beto zaba ti Nge kele mulongisi yina me katuka na Nzambi. Muntu ve lenda sala bima yina beno lenda sala kukondwa Nzambi kuvwanda na Yandi. Ntangu yayi, beto zaba yawu. Beto me zaba yawu.”

¹³⁹ Na yina bilandi . . . Pierre pesaka yandi ndefi na Mvwandulu ya Yandi. Bawu nionso yambulaka Yandi na kulunsi.

¹⁴⁰ Kasi awa bawu kele na zulu ya kivinga yayi ya zulu, na Mvwandulu ya Nzambi. Na yina, na mbala mosi, awa me kwisa Mpeve-Santu yayi kuna na Zulu, mpe Yawu me kindisa bawu. Mpe nkindusulu bakaka kisika, ba vwandaka ve na boma samu na kusala kimbangi ya Nsangu yina bawu kwikilaka mpe zabaka ti ya kele Kieleka. Na mutindu yankaka, bawu vwandaka na boma ya Yawu.

¹⁴¹ Ba-Presbytérien yikwa, ba-Methodiste yikwa, ba-Baptiste yikwa, na yinza bubu yayi, ba-Pentecotiste yikwa, yina zaba Kieleka mpe ba ke na boma ya kutelema samu na Yawu? Mu me ndima na kukiufula, yinki yina kubwaka na zulu ya beno? Beno kele kitini ya mvumbukulu ya Yandi? Beno ke lenda ve kuboka na mabanza ya muntu mpe dibanza ya muntu? To, beno kele na kikesa ya kieleka mpe ntela ya bakala ya kieleka, samu na kutelama kuna mpe kubokila mbote “mbote,” mpe yimbi “yimbi”? Beno kele kitini ya mvumbukulu ya Yandi, to beno kele musambidi ya nkonga ya ba-credo? Beno kele muntu yina ke kwendaka na yinzo-Nzambi, beno ke na nkumbu na beno ya kusonika kuna, mpe beno kele ya kufwa na masumu na beno?

Yandi yina ke kwikila ve Ndinga ya muvimba ya Nzambi kele nsumuki.

¹⁴² Ba-Pharisien yina kwikilaka na bima mingi, samu na kuvwanda Kieleka. Bawu tubaka, “Beto kele bana ya Nzambi.” Mpe bawu vwandaka, tii kuna Ndinga yina longamaka. Kasi ntangu ba longaka Ndinga yina mpe siamisamaka, na yawu bawu kumaka bansumuki, samu ti bawu mangaka Kima yina bawu zabaka vwandaka ya kusungama, mpe bawu vwandaka na kimbangi ya yawu. “Beto zaba ti Nge kele mulongi yina me katuka na Nzambi, samu ti muntu ve lenda sala bima yina Nge ke salaka kukondwa Nzambi kuvwanda na Nge.”

¹⁴³ Mu ke kumiyufula bubu yayi, wapi kisika beto kele? Mu ke lomba beno. Wapi kisika kele mvumbukulu yayi na kumona beto? Beno lenda basika na malembe? Beno ke meka na kubaka Nzambi na Ndinga ya Yandi? Kana beno kele ya kutumama na Luzingu, kieleka beno ke sala yawu. Kana beno kele ngononi, beno lenda ve kusala yawu, ya kele na Kima mosi na kati ya beno. To, beno zola sadila kaka credo mosi kisika mosi, samu na kutuba, “Mu ke kwendaka na yinzo-Nzambi. Mu ke kaka mbote mutindu beno kele”? Beno me mona? Kana beno kele ve na bukuluntu, beno ke mona yawu ve, beno lenda ve kumona yawu. Kasi kana beno kangama na bukuluntu yayi, beno lenda ve kusadisa na kumona yawu, samu ti ya kele kitini ya beno mpe beno kele kitini ya yawu.

¹⁴⁴ Wapi mutindu mu lenda manga mama yina pesaka munu mbutukulu? Wapi mutindu mu lenda manga tata, ti menga ya yandi mosi kele na kati ya munu? Wapi mutindu mu lendaka manga Charles Branham na kuvwandaka tata ya munu? Mu lendaka ve kusala yawu. Mu ke zola kubika nsoni ya yandi to kima yankaka, samu ti mu kele mwana ya yandi. Alleluia!

¹⁴⁵ Na yina na kuvwandaka mwana ya Nzambi, mpe Yandi vwandaka Ndinga ya Nzambi, wapi mutindu mu lenda manga Biblia yina kele Kieleka, ti Yesu Klisto kele ve mutindu mosi mazono, bubu yayi, mpe kukonda nsuka? Mpe kumona ngunga yina beto ke na kuzinga, beto ke na nsatu ya Paki na kati ya dibuundu. Mvumbukulu! Beto ke na nsatu ya mvumbukulu, na ngolo ya lukwikilu, babakala mpe bakento na kutelama kuna samu na yina kele Ndinga ya Nzambi yina me siamisama.

¹⁴⁶ Beno tuba, “Mbote, beto ke na Buntwenia ya beto samu na Klisto.” Ya kele mbote. “Dibuundu ya beto kele na lukutakanu. Beto zola bamambebe *kulutila* mingi.” Mu ke telemina yawu ve. Ya kele nyonso ya kulunga. Kasi yina kele kaka atimosifere ya nsusu. Yina lendaka vwanda mapapu ya nsusu ya kento. Kasi kana beno kota na atimosifere ya mbote kuna, ya ke basisa ngononi kana beno kele diki ya ngononi. Mpe kana beno soolamaka na ntwala ya Nzambi samu na kumona yawu, beno lunga sala kima mosi ve na kumonaka yawu, beno ke kwisa na mvumbukulu. Ya kele mutindu yina Baptiste butukaka, ya kele mutindu ba-Méthodiste butukaka, na mvumbukulu ya kilumbu yina, kasi ba me bika nsusu ya kento na kisika ya ngononi.

¹⁴⁷ Ntangu mu tubaka ntama mingi ve, mu kwendaka kuna na Tucson, mu talaka kima mosi ya ngitukulu. Mu monaka faucon mosi ya kuvwanda na zulu ya cable kuna. Faucon yina vwandaka me zimbisa mutindu ya yandi kubanda ntama. Ya vwanda vwanda ndeke yina vwanda landa na ngononi. Ya zolaka landa ve ngononi; ve, ata fyoti ve. Kima ve lenda landa ngononi. Kasi yandi vwandaka faucon.

¹⁴⁸ Klisto kele Ngononi, mpe dibuundu fwana vwanda ya kulutila fyoti na faucon. Bawu lenda pumbuka na zulu mingi kulutila bandeke nyonso yankaka. Kasi faucon me kuma ya kulemba. Ya me zimbana kutalisama ya yandi. Yandi kele ya kuvwanda na nsinga ya alo-alo mpe ke vingila mwa ba-lapin ya kufwa. Yandi ke sote mutindu koko-mbele, na kisika ya kupumbuka mutindu faucon.

¹⁴⁹ Oh, mpangi ya munu ya bakala, mpangi ya kento, beno bantu ya Pentecote, yina kele bantu ya munu mosi ya luzolo! Dibuundu ke na kuzimbisaka nkadulu ya yandi. Ya ke na kukulumuka mpe ke tala na credo ya bantu ya kufwa ya misiku, na kisika ya kupumbuka na Mazulu, kuna, samu na mana ya malu-malu.

¹⁵⁰ Faucon vwanda sosa mana ya yandi, kasi bubu yayi yandi ke baka yina batomabilu ke kwenda bisika nyonso mpe yina bakoko-mbele ke kudya. Yandi ke sote mutindu mosi. Yandi ke monanaka mutindu mosi.

¹⁵¹ Beto ke kukikumisa kitoko beto mosi na yinza ya bilumbu yayi, bakento ya beto ke zenga bansuki ya bawu, mpe ke lwata bakupe, babakala ya beto kele ve na kikesa mingi samu na kutuba kieleka na zulu ya chaire. Beto me lemba mingi samu na Ndinga.

¹⁵² O Nzambi, fidisa Mpeve-Santu mpe Yandi sosa bangononi yayi kisika mosi kuna, yina me kubama na kusimba, ata ti nionso yina ke salama, yina ke dumuka na kisika yina ba me zaba ve, ba ke vwanda ve na zulu ya bansinga ya allo-allo mpe ba ke sosa mwa lukolo ya Lumingu ya mikanda kukwisa. Bika mu kuzwa Ndinga, mpe na madidi ya ngolo mpe kumonisama ya Mpeve-Santu. Beto ke na nsatu ya Paki, mvumbukulu yina kele nzikisa. Nkundi ya munu, kana nge sepela na kibulu ya kufwa ya kubola ya yinza yayi, ya kele na kima ya yimbi.

¹⁵³ Mpangi ya munu ya kento, mpangi ya munu ya bakala, bika mu tuba na nge, yayi, na boma ya busantu, na kuzabaka ti mu lendaka zinga ve samu na kumona Paki diaka. Kasi kele na kima mosi ya kieleka, na ntangu mwana ya Nzambi ya kieleka yina me tumama, na nzila ya Ndinga ya Nzambi, ke kuwa Ndinga yina ya Nzambi, yandi ke vumbuka mpe ke kwenda kutana na Yawu. Ya kele banzikisa, ti yandi ke kutana na Ndinga ya kieleka ya moyo. Mutindu Yandi vwandaka, Kento ya makwela ke kutana na Bakala ya makwela. Yandi kele kitini ya Nzutu ya Yandi.

¹⁵⁴ Beno tala, ntangu mingi beto kele, beto ke na zimbisaka ba-soupape ya beto. Beto ke kwizaka na Kilumbu ya tatu na nkokila, bayankaka ya beto. Bayankaka ke bikala na yinzo samu na kutala *Yina Ke Zolaka Susie*, ba-television, bima ya yinza ya mutindu na mutindu, bansaka ya mutindu na mutindu, samu na kunata beno ntama na yinzo-Nzambi. Beto me zimbisa yawu kubanda ntama.

¹⁵⁵ Ba-seminere ya beto, balukolo ya beto, ke basisa nkonga ya ba-Ricky na théologie ya muvimba, mpe—mpe kusala bansaka mpe nionso yina na kati ya dibuundu, samu na kubaka kisika ya lukutakanu ya bisambu. Beto me baka mvwatu mpe beto ke meka na kulungisa yina bantu ya bilumbu yayi ke meka na kusala, samu na kukotisa bawu. Beno ke nunga bawu ata fioti ve na nzila ya yina. Ba kele na mingi ya yawu kulutila yina beno ke na yawu. Beno kele ve na kima ya kusala na ntoto ya beno. . . na zulu ya ntoto ya bawu. Bika ti ya vwanda bawu ke kwisa na zulu ya yina ya beno, kisika mbotika ya kieleka ke na kusema, kisika kele ngolo ya kieleka ya mvumbukulu. Beno meka ve na kutunga dibuundu mutindu ya bawu. Beno meka ve na kuvwanda na pasteur mutindu yina. Kumeka ve kusala *yayi, yina, yankaka*, to ke vwandaka na ngwisani na yinza. Ba ke ngengaka na Hollywood.

¹⁵⁶ Nsangu ya mbote ya kieleka ke kupela na ngolo. Bangononi ke kuwa yawu. Ba ke tala ve kungenga. Ba ke sosaka kusema. Yina ke semaka na kukikulumusa, yina ke semaka na zola, yina ke semaka na ngolo, yawu yina ngononi ya kieleka ke sosaka. Beno lendaka ve kusandula na kati ya lupangu mpe kusepelisa yandi. Yandi ke vwanda ata fioti ve na kikesa ya kusala yawu. Beno ke nata yandi ata fioti ve na kutuba yawu, samu yandi ke kwikilaka yawu ve.

¹⁵⁷ Bika ti Ndinga yina kuboka na Zulu, “Mu kele Yandi yina vwandaka ya kufwa, mpe yina kele moyo dyaka.” Kima mosi ke na kusalama. “Mu kele mutindu mosi mazono, bubu yayi, mpe kukonda nsuka. Mpe ya ke salama ti na bilumbu ya nsuka, Mu ke tiamuka Munu mosi na zulu ya bantu nionso.” Nkembo na Nzambi! “Mu ke kindisa ndinga ya beno yina ke kufwa. Mu ke kindisa bandinga ya beno yina ke kufwa. Mu ke pesa nge nzikisa ti mu ke nata nge na mvumbukulu na Munu.” Bangononi ya bantima ya nzala ke sala kikesa na kukuma kuna na ngolo ya bawu nionso. Ya kele Diyaka ya ntalu ya nene, ti bawu ke tekisa nyonso yankaka, samu na kwenda kusumba yawu. Amen.

¹⁵⁸ Nzambi sadisa beto, nkundi ya munu. Mabuundu ya beto ke na kuzimbisa kotalisama ya bawu.

Beno sala nswalu ntangu yayi samu beto baka ndambu na kati ya bawu.

¹⁵⁹ Beno tala mbote kisalu ya bilandi yina, ba vwandaka na boma. Bawu zabaka ti Yesu vwandaka Kieleka, kasi, beno me mona, Yawu vwandaka telemina mabanza ya bantu nionso, nsambulu ya bantu nionso ya ngunga, nsambulu ya kulutila kulunga, Sar-. . . Ba-Pharisien, ba-Sadducéen, mpe nyonso yankaka yina, bansambulu ya bawu, bimvuka ya bawu, mpe ba-denomination. Ba vwandaka—ba vwandaka telemina “kinzambi-nzambi” yina. Kasi Yesu vwandaka Ndinga yina me talisama.

¹⁶⁰ Mpe Yesu kele Mpeve-Santu, na kati ya Mpeve. “Na ntangu fyoti mpe yinza ke mona Munu dyaka ve. Beno ke mona Munu,” ve nzutu; Luzingu yina vwandaka na kati ya Yandi. Nzambi kele na zulu ya Dibuundu, samu na kubokila bana ya babakala mutindu Yandi salaka kuna, ya kutumama.

¹⁶¹ “Mu ke salaka ntangu nionso yina ke sepelisaka Tata ya Munu. Nani na kati ya beno lenda fundisa Munu na disumu?” Na nzonzolo yankaka, *disumu* kele “kukondwa lukwikilu.” “Yinki Ndinga me tuba samu na Munu, ti Mu me sala ve?” Yawu yina. “Talisa na Munu yina Ndinga tubaka ti Mu ke sala, yina Mu salaka ve. Nani lenda fundisa Munu? Nani lenda tula misapi ya beno na Munu, mpe kutuba ti Mu me lungisa ve Ndinga ya Tata ya Munu?” Oh, ntangu dibuundu ya Pentecote ke kuma na kisika yina! “Nani lenda fundisa Munu na kukondwa lukwikilu?”

¹⁶² Oh, Baklisto, ke zabana ve mutindu faucon, kasi ngononi. Yina faucon kele na lembami, ya ke kulumuka. Ata mbala mosi ve ti beno ke mona ngononi kusala yawu. Ata mbala mosi ve ti yandi ke sala yawu. Yandi vwanda sosa madya ya yandi mosi, kuna na blue. Nzambi me yidika yandi samu ti yandi kumona yawu. Yandi ke bakaka mana ya madidi, ve kima yina kele ya kufwa.

¹⁶³ Na ba-Hebreux, ntangu bawu zabukaka na ntoto ya kuyuma, bawu kudiaka, bawu mekaka na kudia mana ya kufwa. Ya vwandaka me ningana diaka ve. Ya vwandaka—ya vwandaka na baniama ya fioti na kati ya yawu. Beno zaba yina beto zola kutuba. Ya kele kaka na mikolobo, ya kupola. Misyete kele na kati ya yawu.

¹⁶⁴ Samu na yinki mu zolaka kudya madya yina me kufwa bamvula me luta? Ya lendaka vwanda na mutindu mpe na nzutu, kasi ya kele ve ya malu-malu. Beto fwana kuzwa madya konso nsungi, ya malu-malu. Mutindu mosi ngononi ke talaka madia yina, konso nsungi, mutindu beto kele na nzietelo ya beto. Beno tala.

¹⁶⁵ Ntangu yayi beto baka mwa bantu dyaka. Beto baka mwa baprofete ya Ngwisani ya Ntama, beno mona yina bawu salaka.

¹⁶⁶ Beto tala ntete Etienne, mutindu Etienne na kati-kati ya Concile yina ya Sanhédrin. Ntangu conseil yina nataka yandi kuna, ba-assemblée ya nene yina kuna, to yina zolaka vwanda bakwikidi, yandi nataka yandi mpe mekaka na kufundisa yandi. “Kasi,” yandi tubaka, “beno bantu ya yintu-ngolo, mpe makutu ya beno kele ya kukangama na Mpeve-Santu, beno ke teleminaka ntangu nionso Mpeve-Santu.” Yina kele Luzingu ya Kukonda nsuka. “Mutindu batata ya beno salaka yawu kuna na nzila ya baprofete, mutindu mosi beno ke na kusala yawu bubu yayi.” Mpe bawu pamukaka na zulu ya yandi na meno ya bawu. Bawu zolaka kuwa yawu ve. Yandi vwandaka telemina credo ya bawu. Yandi vwandaka telemina denomination ya bawu. Mpe bawu

losaka matadi na bakala yayi tii na lufwa. Mpe yandi telemisaka maboko ya yandi na zulu, talaka na Zulu, tubaka, “Mu ke mona mazulu ya kuzibuka, mpe Yesu ya kutelama na lweka ya kibakala.” Samu na yinki? Yandi vwandaka na mvumbukulu, ngolo ya nkindusulu na kati ya yandi, yina nataka yandi na ntulu ya Yesu.

¹⁶⁷ Beno tala, na nswalu ntangu yayi. Beno tala Philippe, kuna na réveil ya nene. Na kuzwaka réveil kisika ya zolaka vwanda ve samu na muntu, na yina, kana yandi zolaka vwanda na ngwisani ya nene na kati ya mabuundu mpe bima nionso kuna. Ya vwandaka na reveil ya nene. Mpe ngolo ya nkindusulu ya Nzambi tubaka na yandi, tubaka, “Étienne. . .” Bika ti Yawu kutuba mutindu yayi, “Nge ke na balukutakanu ya reveil ya nene, kasi mu ke na muntu mosi yina mu zola ti nge solula na yandi.”

¹⁶⁸ Mpe Étienne vwandaka ya kutumama, ata nyonso yina ya kele, bantu ya masawula. “Oh, Etienne, beno lenda bika ve.”

“Kasi, mu lenda. Nzambi tubaka mutindu yina.”

¹⁶⁹ Mpe yandi kwendaka na ntoto ya kuyuma, mpe kuna yandi talaka kalaki yayi. Mpe yinki salamaka? Yandi tubaka, “Nge ke. . . Kana nge ke kwikila na ntima ya nge ya muvimba, ti Yesu kele Mwana ya Nzambi, mu ke botika beno.” Ntangu yandi botikaka yandi. . .

¹⁷⁰ Beno tala. Yandi kindisamaka na nzila ya ngolo yayi ya nkindusulu, samu na kubika réveil ya mafunda ya bantu, samu na kukwenda na ntoto ya kuyuma, na muntu mosi. Oh, yina ke telemina mabanza nionso. Beno me mona? “Kasi, mafunda kumi zola ti nge kwisa *awa*.” Kasi kele na mosi yina zola, *kuna*. Beno me mona? Mpe ngolo ya nkindusulu me fidisa yandi na kisika yina Nzambi me kubika. Alleluia!

¹⁷¹ Babakala na bakento, Yawu ke sala ti beno telema. Yawu ke sala ti beno sala bima yina Nzambi zola ti beno sala. Mu ke kipe ve yina muntu yankaka ke tuba samu na yawu. Mfinangani ke tuba, “Oh, muntu yina me zimbisa mabanza ya bawu. Beno sambila mpimpa ya muvimba; ba ke tanga Biblia.” Mu ke kipe ve yina bawu ke tuba. Ya kele yina Nzambi bokilaka beno na kusala. Ya kele kieleka. “Oh, bawu ke tuba ti beto lenda ve kuzwa ba-reveil ya mitindu ya ntama, ya ba-Pentecotiste.” Oh, yinga, beto lenda, mpe. Beno lenda kuzwa yawu na kati ya beno mosi. Mpe beno kele lutangu ya kulutila, na kati ya Nzambi, ata nyonso yina bayankaka ya bawu ke banza.

¹⁷² Beno tala, na manima, kutumama. Beno kuwa mbote ntangu yayi. Na manima ya kutumama na Nzambi, na Ndinga ya Yandi, ntangu yandi lungisaka kisalu ya yandi, ngolo yina ya nkindusulu yina yandi kuzwaka na Pentecote zangulaka yandi, kindisaka nzutu ya yandi. Ba-kilometre na ba-kilometre, ba bakaka yandi na Mpeve, mpe ba monaka yandi kuna na yinsi

yankaka kisika mosi kuna. Ngolo ya nkindusulu ya Nzambi! Mpe kana beto kele bantu ya pentecote, “Ngolo mosi yina vumbulaka Yesu na lufwa, kana Yawu ke zingaka na kati ya banzutu ya beno yina ke kufwa.” Beno me mona? Mbote mingi. Beno tala.

¹⁷³ Beto baka muntu yankaka na ngolo yayi ya nkindusulu. Ya vwandaka na bakala mosi ntama mingi ve, na nkumbu ya Enoch. Ntangu kima ya malu-malu kwisaka, ntangu kima mosi kwisaka mpe tubaka, “Mbote, ntangu yayi beto fwana vutuka na lukolo ya ntama, to *yayi, yina*, to *yankaka*,” Enoch tambulaka na Nzambi. Nionso yina Nzambi tubaka na kusala, Enoch me kondwaka ata fioti ve Ndinga mosi. Yandi tambulaka na Nzambi. Yinki yandi vwandaka? Yandi vwandaka mwana ya Nzambi. Yandi vwandaka ngononi yina ba bokilaka na kilumbu yina.

¹⁷⁴ Mpe ntangu ntangu yango kwisaka, yandi vwandaka ya kifuluka mingi na ngolo yina ya nkindusulu! Beno bambuka moyo, yandi tambulaka bamvula nkama tanu, to kulutila, na ntwala ya Nzambi, mpe ata mbala mosi ve yandi kondwaka Ndinga ya Yandi. Ata mbala mosi ve yandi salaka mambu ya yimbi. Ata mbala mosi ve yandi salaka yawu kasi yandi kebaka kimbangi. Konso kima yina Nzambi tubaka na yandi na kusala, yandi kwendaka mpe salaka yawu. Ata mulabu ve samu na nyawu, yandi kwendaka kaka mpe salaka yawu. Ata nionso yina muntu mosi banzaka, yandi kwendaka mpe salaka yawu. Samu na yinki? Yandi vwandaka ya kifuluka na ngolo yayi ya nkindusulu. Mpe ntangu ya kumaka ntangu ya ntama samu na muntu yina kufwaka, Nzambi fidisaka kaka zulu ya kikalu mpe yandi kwendaka na Yinzo. Yandi kindisaka yandi, mpe bakaka nzutu ya yandi yina ke fwaka. Amen. Yina kele ngolo ya nkindusulu.

¹⁷⁵ Beno tala Elie, na manima yandi manisaka kosalu ya yandi na zulu ya ntoto. Yandi vwandaka ya kifuluka mingi na ngolo yina ya nkindusulu, yandi fundisaka bansuki ya kuzenga ya Jackie Kennedy ya ntangu yina. Yandi tubaka kiboba ya Jezabel yina yandi banzaka na yandi. Yandi tubaka na bawu milongi mpe banganga-Nzambi yina vwandaka mbote mpe yimbi, mpe bawu kwikilaka yandi ve. Kasi yandi bedisaka bakento yina ya kupakula mpe nionso yina, ya yimbi mingi. Mpe yandi vwandaka na ngolo mingi ti kima mosi ve lendaka niongisa yandi. Nzambi disaka yandi na mazulu, yandi nataka yandi mpe tulaka yandi na lweka. Mpe yandi vwandaka ya kifuluka mingi na ngolo ya nkindusulu, ti kilumbu mosi ntangu ya kufwa lungaka, Jourdain zibukaka, mpe yandi kwendaka kaka, mpe tindaka yandi na Yinzo, ya kifuluka na ngolo yina ya nkindusulu. Yandi me kuma mwana ya kieleka, ya kieleka ya Nzambi. Yinga.

¹⁷⁶ Beno tala, yandi vwandaka na kilandi, mpe nkumbu ya yandi vwandaka Elisée. Mpe Elisée vwandaka na bitini zole, ngolo yayi ya nkindusulu. Beno me mona? Yandi vwandaka na

bambala zole ya yawu. Ntangu yayi, yandi longaka bamvula makumi nana, to yandi vwandaka na bamvula makumi nana. Yandi belaka mpe yandi kufwaka. Ntangu yayi, yandi kwendaka ve na Yinzo mutindu Elie salaka. Beno me mona? Bawu zole ke talisama kuna na kati ya Dibuundu; mwa basantu ke kwenda, mpe bayankaka ke pema. Kasi beno tala ntangu ba zangulaka Elie na enlevement; kuna Elisée kwendaka lala, na Nzambi, na ngolo ya nkindusulu. Beno tala profesi ya yandi kaka ntete yandi kufwa. Beno me mona?

¹⁷⁷ Ntangu yayi, beno bika mu talisa na beno. Mu ke tala ve kana beno kele ya kufwa, to kisika yina beno kele, ngolo yina ya nkindusulu ke basikaka ata fioti ve. Bamvula mpe bamvula na manima ya lufwa ya yandi, nsuni ya yandi polaka, misobi me dia yawu. Kasi ba vwandaka nata muntu ya kufwa, kilumbu mosi, ba vwandaka losa yandi na mikwa yina, mpe ya vwandaka na mwa ngolo mingi ya nkindusulu kuna tii kuna muntu vutukaka diaka na luzingu. Alleluia! Yandi vumbulaka yandi na lufwa, samu ngolo yina ya nkindusulu yina vwandaka na zulu ya santu yina ya Nzambi, bikaka yandi ata fioti ve, vwandaka kaka na zulu ya mikwa yina.

¹⁷⁸ Oh, beno bambuka moyo, beto kele nsuni ya nzutu ya Yandi, mikwa ya mikwa ya Yandi, kana beto kele Kento ya Yandi ya makwela. Lufwa ke niongisa ata fioti ve ngolo yina ya nkindusulu. “Ata ti misobi me bebisa nzutu yayi, kasi na nzutu ya munu mu ke mona Nzambi.” Nkembo na Nzambi! Yinki . . . Mu zaba ve yina mu ke tuba. Wapi mutindu ya kivuvu samu na kiboba ya bakala mutindu munu, na kuzabaka ti mu ke mona ntangu ya munu ya nsuka kaka kuna, na bamvula makumi tanu na sambanu.

¹⁷⁹ Kubanda mwana-bakala ya leki mu me telema awa, samu na kumeka kutuba Yayi. Kasi mu zaba ti na kati ya munu, mu ke na kima ya mbote ve, kima mosi ve mu me sala, kasi na kati ya munu yina kele ngolo yina ya nkindusulu; yawu me kindisa munu kilumbu mosi na bima ya yinza, mutindu ntwenya ya bakala, na Luzingu ya Kukonda nsuka. Oh, bima yina me salama! Mu me monaka ba-vision, bima yina me tubama na ntwala. Yandi me salaka ntete kima mosi ve. Mu zonzaka na bandinga yankaka. Mu pesaka profesi. Mu salaka bima yango na nzila ya Mpeve ya Nzambi yina zingaka na kati ya munu. Yina ke vwandaka na ngolo ya nkindusulu. Mu zaba ti kilumbu mosi . . .

¹⁸⁰ Mukudi ya munu kele moyo ntangu yayi. Mpe kilumbu mosi ntangu Yandi ke kwisa, mikwa yayi ke basika diaka, samu na kukwenda kutana na Yandi na zulu. Beno lenda zika munu na nzadi, beno yoka yawu na zulu, konso kisika yina beno zola. Ngolo yina ya nkindusulu kele ya Kukonda nsuka. Fiou! Mu me kuwa Paki malu-malu yayi. Yinga, tata. Mu me vwandaka na yawu kubanda bamvula. Ya kele na kati ya munu.

181 Ya kele na kati ya beno. Kana, beno, Mpeve yina vumbulaka Yesu na lufwa yina ke zingaka na kati ya banzutu ya beno yina ke kufwa, Yawu me kindisa beno na bima ya yinza, na Ndinga ya Nzambi kaka. Ya me kindisa beno na luzingu yayi na Luzingu ya Kukonda nsuka. Beno yina vwandaka ntete ya kufwa na masumu mpe banzimbani ya beno ntangu yayi me kindisa beno kintwadi, samu na kuvwanda na bisika ya Mazulu na Klisto Yesu, na kufetaka na Mana ya Zulu, na kumonaka diboko ya Nzambi yina me monisama, ke talisa nsilulu ya bubu yayi.

182 “Mutindu ya vwandaka na bilumbu ya Noé, mutindu mosi ya ke vwanda na nkwezulu ya Mwana ya muntu. Bawu vwanda kudya, vwanda kunwa, vwanda kwela, vwanda pesa na makwela. Mpe mutindu ya vwandaka na bilumbu ya Lot, mutindu mosi ya ke vwanda na bangunga yina Mwana ya muntu ke monana na zulu ya ntoto,” Mwana ya Nzambi dyaka ve, ata mbala mosi ve. “Mwana ya muntu,” ke vutuka mutindu Nsangu ya profesi samu na kilumbu ya nsuka ntangu ngononi yina ke pumbuka; nkosi ve; ngombe ve na nsungi ya munkayulu. Beno me mona?

183 Ntangu nionso, ngolo ya nsambulu me kwenda samu na kundima kutelemina ngolo ya yinza. Ntangu nkosi vumbulaka, ngolo ya nsambulu, ya kwendaka samu na kukutana na ngolo ya Rome.

184 Na yina ntangu ba vwandaka kwisa munkayulu, ngombe kwendaka, samu yandi kele Kibulu ya munkayulu ya Mfumu.

185 Na manima kwisaka bansungiki, kuna na bansungi ya mabuundu, ya kele kuna kwisaka kizizi ya muntu. Mpe bansungiki vwandaka kubanda Luther, Wesley, oh, Calvin, me landila, nsungi ya pentecote.

186 Kasi na Nsangu ya nsuka yina kwendaka kuna, kuna me kwisa ngononi yina ke na kupumbuka. Ya kele ntangu ya ngononi, ke monikisa ntangu, Ndinga ya Nzambi ke lakisa, Ndinga ya Nzambi ke lakisa. Oh, bana, beno tambula na mbotika ya Mpeve-Santu. Beno kota mpe beno kwikila Yawu, na ntima ya beno ya muvimba, Nzambi ke fulusa beno.

187 Beno tala awa ntangu yayi. Beto ke mona ntangu yayi, beno bambuka moyo, “Beto kele ya nsuni ya Yandi, mpe mikwa ya mukwa ya Yandi.” Mutindu Nzambi vumbulaka mikwa ya Yandi mpe nsuni na ntoni, bawu lenda ve kubumba muntu yina kele na banzikisa. Lufwa lenda baka yandi ve. Yesu tubaka, “Bayina nionso Tata pesaka Munu ke kwisa na Munu. Mu ke vumbula bawu na kilumbu ya nsuka.” Oh, la la! Paki! Na yina, beto kele kieleka na Paki. Ntangu Yandi vumbulaka, beto me vumbuka na Yandi. Yandi me fidisa mukanda ya muswa. Beto ke simba yawu, mutindu mbotika ya Mpeve-Santu. “Yandi ke zinga kukonda nsuka; mutindu mosi mazono, bubu yayi, mpe kukonda nsuka.” Hebreux 13:8 ke siamisa yawu. Yandi kele mutindu mosi.

188 Baya Yandi ya Bumesiya, bapakulami ke kwikila yawu. Yinki kele Mesiya? Yinki kele Mesiya? *Mesiya* kele “Yina ba me pakula.” Mpe ntangu yayi kana Yandi vwandaka Mesiya, na kuvwandaka Yandi yina ba me pakulama samu na kilumbu yina, samu na kulungisa Ndinga ya Nzambi, samu na kuvwanda Mukudi mpe Yandi yina ba me pakula, mpe Nzambi vumbulaka nzutu yina; Kento ya Yandi ya makwela kele yina ba me pakula samu na kilumbu yayi. Ya me vumbuka dezia na Yandi na mvumbukulu, samu, “Zole yayi kele mosi.” Amen.

189 Mu—mu banza ti mu ke tuba yawu mutindu mu ke mona yawu. Mu banza ti mu kele na malongi mu lendaka sala na yawu. Beno me mona? Mu—mu banza ti beno ke mona yawu. Mu banza, Nzambi, Mpeve-Santu ke kulumuka kuna mpe ke tula yawu na kati ya ntima ya beno, samu na kumona yina mu zola kutuba.

190 Mvumbukulu, beto kele ntangu yayi na mvumbukulu. Beto kele ya kuvwanda na Yandi na mvumbukulu, kasi kaka bayina kele na Luzingu.

191 Ve bayina kele na Luzingu ve. Bawu ke zaba Yawu ve. Bawu ke zaba Yawu ata fioti ve. Bawu ke landila na kubanza ti bawu ke kuzwa Mpeve-Santu, na kuvwandaka ya kuvuluka, mpe Enlevement ke salama diaka. Bawu tubaka, “Elie me kwisa dezia, mpe bawu salaka mutindu yina, mpe beno zabaka yawu ve.” Beno me mona?

192 Beno tala. Lufwa ke sukisa ve ngolo ya nkindusulu ya Nzambi. Beno tala. Lufwa lenda ve kukanga yawu.

193 Beno ke tuba, “Mbote, mama ya munu vwandaka kento ya kufuluka na Mpeve. Papa ya munu, mu me monaka ntete ve muntu mosi ya kufuluka na ngolo mutindu papa ya munu. Kasi yandi kufwaka, Mpangi Branham.” Ya kieleka. Yina me sukisa ve ngolo ya nkindusulu.

194 Moise vwandaka na ngolo yina ya nkindusulu. Beno ke kwikila yawu? Ya vwandaka ve na muntu mutindu yandi na zulu ya ntoto, tii Yesu. Samu ti yandi kumonaka kaka ba-vision ve, yandi zonzaka na mbunzu na mbunzu na Nzambi.

195 Mpe profete ya kento, Miryam, teleminaka ndinga ya yandi kilumbu mosi. Yandi tubaka, “Beno kele na boma ya Nzambi ve? Beno tala mbote kisadi ya munu, Moise. Kele na muntu mosi ve na yinza mutindu yandi, na ngunga yayi. Ya me vwandaka ata fioti ve na muntu mutindu Moise. Mu ke tubaka na Moise. Yinki yandi me tuba, yina vwandaka kieleka ve? Beno me mona? Mu ke solula na Moise. Beno ke vwanda na boma ya Nzambi ve? Beno tuba ndinga mosi ve samu na yandi.” Mpe kaka na ntangu yina yandi vwandaka na kimbevo ya wazi mpe—mpe yandi vwanda kufwa. Yandi vwandaka zingila ntangu mingi ve, na manima. Moise sambilaka samu na yandi.

196 Mpe Moise mataka na mongo, na bamvula nkama mosi na makumi zole ya ministere, to bamvula makumi nana ya

ministere; bamvula nkama mosi na makumi zole ya luzingu, mataka na zulu ya bamongo mpe kufwaka, mpe ba zikaka yandi na kiwanda. Kasi ngolo yina ya nkindusulu vwandaka na zulu ya yandi. Pene ya bamvula nkama nana na ntwala, yandi yayi, ya kutelama na zulu ya Mongo ya Nsobolo. Amen. Yinki yandi vwandaka? Yandi vwandaka na mvumbukulu ya lufwa. Ya kieleka, yandi vwandaka mutindu yina. Yandi vwandaka na ngolo ya nkindusulu ya Nzambi. Yandi vwandaka awa, ya kutelema.

¹⁹⁷ Beno tala Job, Abraham, Isaac, basantu na kilumbu ya mvumbukulu, na suka yina ya nene ya Job mpe bawu nionso zabaka ti yawu ke kwisa. Ntangu, yandi tubaka, “Mu zaba ti Mukudi ya munu kele moyo,” bankama mpe bankama ya bamvula na ntwala ya Klisto. Ya kele, kieleka, Buku ya Job kusonamaka na ntwala ya Genèse, bawu ke tuba, Buku ya kulutila ntama na kati ya Biblia.

¹⁹⁸ Mpe na bakumekama ya yandi, mpe mutindu beto ke luta ntangu yayi. Mpe kento ya yandi, ata mpe, kima ya kulutila pene na yandi na zulu ya ntoto, yandi tubaka, “Samu na yinki nge lenda singa ve Nzambi mpe kufwa?”

¹⁹⁹ Yandi tubaka, “Nge ke tuba mutindu kento ya kulawuka. Mfumu me pesa, Mfumu me baka, Nkumbu ya Mfumu kusakumuka.”

²⁰⁰ Mpe kuna ntangu Mpeve ya Nzambi kwizaka na zulu ya yandi, mpe yandi bandaka na kupesa profesi, yandi tubaka, “Mu zaba ti Mukudi ya munu kele moyo, mpe na bilumbu ya nsuka Yandi ke telama na zulu ya ntoto yayi. Ata ti misobi me bebisa nzutu yayi, kasi na nzutu ya munu mu ke mona Nzambi.” Mpe yandi tulaka kisika mosi samu na kuzika yandi mosi. Yandi tubaka, “Beto ke sumba ntoto yayi.” Yandi sumbaka kuna mpe yandi kukizikaka yandi mosi.

²⁰¹ Mwa bilumbu na ntwala kwisaka bakala mosi na nkumbu ya Abraham. Dibuundu vwanda kula, ya vwanda mata. Abraham, mbote, ntangu yayi, yandi vwandaka na banzikisa ya Nzambi, mpe, Luzingu ya kukonda nsuka, ya Kukonda nsuka, samu Nzambi bokilaka yandi. Ntangu yayi beno tala. Ntangu yandi kufwaka, to Sarah kufwaka, yandi sumbaka kitini ya ntoto na Palestine, pene-pene ya ntoni ya Job, mpe yandi zikaka Sarah. Abraham kufwaka mpe ba zikaka yandi na Sarah. Abraham butaka—butaka Isaac.

²⁰² Mpe Isaac, ntangu yandi kufwaka, yandi lalaka na Abraham, na kisika mosi ya kuyuma. Ntangu yayi, ntangu, Isaac butaka Jacob. . .

²⁰³ Jacob kufwaka, kuna na Égypte. Kasi yandi vwandaka profete, ntangu yayi, na nzikisa yayi, ngolo yayi ya nkindusulu, yandi tubaka, “Beno zika munu ve awa, Joseph. Kwisa awa, mwana ya munu ya profete. Tula diboko ya nge na luketo

yina Nzambi bulaka. Beno zenga ndefi na Nzambi ya Mazulu ti beno ke zika munu ve awa.” Yinki vwandaka na kati ya muntu yina? Samu na yinki Egypte vwandaka mbote ve mutindu kisika nionso? Yandi vwandaka profete. Yandi zaba kisika mvumbukulu yina ke vwanda. Ya zolaka vwanda ve na Egypte; ya zolaka vwanda na Palestine. Yandi tubaka, “Tula maboko ya nge na zulu ya luketo ya munu ya kutengama, mpe nge zenga ndefi na Nzambi ti mu me sadila. Beno kele profete ya munu, ti, beno ke zika mikwa ya munu awa ve. Beno nata munu kuna mpe beno zika munu.”

²⁰⁴ Joseph, yina vwandaka profete, mpe, yandi tulaka maboko ya yandi na zulu ya papa ya yandi ya kikata. Yandi tubaka, “Mu ke zenga ndefi na Nzambi ya Abraham, Isaac, ya Jacob, mu ke zika nge awa ve.” Ba zangulaka yandi mpe ba zikaka yandi na yinsi yina. Samu na yinki? Samu na yinki?

²⁰⁵ Ntangu Joseph kufwaka, yandi tubaka, “Beno zika munu ve awa. Beno zika munu ve awa.” Samu na yinki? Nzambi kele Nzambi bisika nionso, kasi Yandi kele na dikani. Joseph vwandaka profete. Yandi tubaka, “Kilumbu mosi,” beno kuwa, bampova ya yandi, “Mfumu Nzambi ke kanga-mbote...ke kwiza tala nge, mpe ke katula nge na yinsi yayi. Mpe ntangu beno ke kwenda, beno ke baka mikwa ya munu.”

²⁰⁶ Ngolo yina ya nkindusulu vwandaka na mikwa. Oh! “Kana Mpeve ya Yandi yina vumbulaka Klisto na lufwa, ke zinga na kati ya beno, Yandi ke kindisa diaka banzutu ya beno yina ke kufwa.”

²⁰⁷ “Beno tula mikwa ya munu awa ve. Beno zika yawu kuna na bayina ya nsilulu.”

²⁰⁸ Ntangu Yesu kwizaka, awa, mu ke na Masonuku awa, Matthieu 27:51. Ntangu Yesu vumbukaka na lufwa, Job monaka nkwezulu yina, tubaka, “Mu zaba ti Mukudi ya munu kele moyo. Bilumbu ya nsuka, Yandi ke telama na zulu ya ntoto yayi. Ata ti misobi me bebisa nzutu yayi, kasi na nzutu ya munu mu ke mona Nzambi. Mu ke mona Yandi.” Bawu zabaka. Yina vwandaka profete. Abraham vwandaka profete. Isaac vwandaka profete. Jacob vwandaka profete. Joseph vwandaka profete. Mpe bawu vwandaka na luzayikisu ya Nzambi, landila Ndinga ya Yandi. Mpe na suka ya Paki yina, ntangu Yina kwisaka mpe vulusaka bayina nionso kwikilaka na Yandi, ba me telama, mpe, landila Biblia.

²⁰⁹ Ngolo yina ya nkindusulu kwisaka na ntoni ya Job, kisika yawu vwandaka ata lutu ve ya putulu ya mikwa ya yandi bikaka. Na manima ya bankama nionso yina, mpe bankama, mpe bankama ya bamvula, mikwa ya yandi vwandaka ya kubwa na nsi mingi. Ya—ya me vutuka, mpe me vutuka na mipepe ya ntoto, mpe kaka putulu vwandaka kuna. Kasi, ntete, na ntangu ngolo yina ya nkindusulu, na kulandaka Ndinga ya Nzambi, na

nsilulu, bankama na bankama, yinga, mafunda ya bamvula na ntwala, ntangu ngolo yina ya nkindusulu basikaka na ntoni; Job, Abraham, Isaac, Jacob, bawu nionso, basikaka na ntoni na Yandi.

²¹⁰ Biblia me tuba mutindu yina. Santu Matthieu, kapu 27 mpe nzila ya 51, ya me tuba, “Mingi ya basantu yina vwandaka ya kulala na fundu-fundu ya ntoto, vumbukaka mpe basikaka na bantoni na Yandi, ntangu Yandi mataka na suka ya Paki.” Samu na yinki? Bawu vwandaka na nzikisa yina. Bawu vwandaka na ngolo yina ya nkindusulu, beno me mona, mpe telamaka na lufwa, mpe kwandaka na Yandi na mvumbukulu. Mu me sepela na mvumbukulu na Yandi, samu bawu vwandaka ya kufuluka na ngolo yina ya nkindusulu. Bawu vwandaka na kidimbu ya Paki yina ya kieleka.

“Mbote,” beno ke tuba, “Mu ke zola kuzinga na Ngwisani ya Ntama.”

²¹¹ Beno vingila fioti. Na Ba-Théssalonicien... Ba-Thessalonicien, kapu 4, nzila ya 16, mu zola ti beno tanga yawu. “Mu ke bika beno ve kukondwa kuzaba diambu, bampangi, samu na bayina kele ya kulala, ti beno ke na kiadi ve, mutindu bayankaka ke na kivuvu ve. Samu kana beto ke kwikila ti Yesu kufwaka, mpe vumbukaka diaka na kilumbu ya tatu,” lukwikilu ya kati-kati ve, kasi beto ke kwikila yawu, “mpe bayina me lala na Yandi Nzambi ke nata bawu na Yandi.”

²¹² Basantu ya Ngwisani ya Malu-malu na ngolo yina ya nkindusulu, ke vumbuka na lufwa, mpe, na Nkwizulu ya Yandi ya zole; ya kieleka kaka mutindu basantu ya Ngwisani ya Ntama na ngolo nionso yina ya nkindusulu na zulu ya mikwa ya bawu, mpe bakunzanguka mpe bangolo, mpe nionso yina, yina me talisama na Nzambi. Baprofete yina Ndinga ya Nzambi me kwisa, ba me vumbuka na lufwa na Yandi na mvumbukulu na suka yina; mpe na nsilulu ya Nzambi ti konso muntu yina kele na Klisto Yesu ke kwisa na Yandi na mvumbukulu ya Yandi, ngolo ya nkindusulu ya Nzambi na zulu ya mikwa.

²¹³ Kuyituka ve, beto ke tentika maboko na zulu ya bambevo. Kuyituka ve, beto ke zolaka mosi na yankaka. Beto kele bampangi ya babakala mpe bampangi ya bakento. Beto fwana yina yankaka ve samu ti beto kele ya kusungika na nzila ya Ndinga ya Nzambi. Beto fwana zolana mosi na yankaka, mpe kuvwanda na buzitu samu na mosi na yankaka. Beno zaba, kana ve, ya ke sadisa beno ve.

²¹⁴ Ya kele na mwa muntu ya kuvwanda kaka awa, yina, na yisi ya dibuundu yayi ntangu yayi. Mwa bilumbu me luta... Muntu yina ke kwikila. Mwana-bakala yayi ya ntwenia vwandaka na cancer na dikutu ya yandi, mpe yandi lendaka tuba kima mosi ve samu na yawu. Yandi vwandaka sala kuna na yinzo. Mu vwandaka na nzietolo ya kuzomba na yandi, kuna na bampangi

Moseley, mpe Mpangi Dawson awa. Beto vwandaka kuna na kuzomba, na mwana ya Mpangi William. Mpe mu talaka kuna na dikutu ya yandi, mpe mu monaka ti dikutu ya yandi nionso ya kuvimba. Mu tubaka, “Yinki diambu, Donavon, dikutu ya nge?”

215 Yandi tubaka, “Mpangi Branham, ya me vwanda ntama mingi. Mu zaba ve.”

216 Mu me simba yandi kaka—kaka na diboko kuna. Yina vwandaka cancer ya nene na dikutu ya yandi. Ata mbala mosi ve ti mu tubaka dyambu mosi; mu me simbaka kaka yandi, mpe me banza, “Mpangi ya munu ya bakala!” Na kilumbu mosi to zole na manima ya yina, ata kidimbu ya mputa vwandaka diaka ve. Yawu vwandaka luzitu ya yandi na Nzambi ya Zulu, na ngolo ya Yandi ya nkindusulu, kufwaka cancer yina mpe kebaka luzingu ya Donavon Weerts kuna. Ya kieleka.

217 Yinki kele bima yayi? Beno tala awa, bantu awa na Phoenix. Beno tala beno bantu yina me kwikila na yayi. Beno tala bantu yina ke na yawu, yina me tentika maboko ya bawu na zulu ya beno. Beno tala yina ke salama. Ya kele ngolo ya nkindusulu. “Bidimbu yayi ke landa bayina nionso ke kwikila.” Kana bawu tentika maboko ya bawu na zulu ya bambevo, ngolo yayi ya nkindusulu, ngononi na ngononi, kima mosi ke salama. Ntangu yayi, ngononi na ngoyi-ngoyi, ya ke simba ve. Ngononi na ngononi, yina ke zanguka na lupangu, tii na Mazulu. “Bidimbu yayi ke landa bayina ke kwikila,” na ntangu bawu zole ke na balukwikilu ya mutindu ya luvunu.

218 Beno me mona ngolo ya nkindusulu yina mosi ya Nzambi talisamaka na kati ya bapofete yayi zole, Elie na Elisée. Beno tala, mpova mosi; mosi ya yawu kele *ke zanguka*, yankaka *ba me zanguka*. *Ke zanguka mpe me zanguka*. Beno me mona? Ba zangulaka yandi. Beto ke zanguka; beto ke zanguka na bawu, beto ke kutana na bawu na mipepe. “Beto ke zanguka samu na kukutana na bawu na mipepe.”

219 Beno tala, ndeke fwana kuzwa mapapu zole, samu na kitezo yandi mosi. Ya kele kieleka? Élie vwandaka dipapu ya enlevement, Élie. Elisée vwandaka dipapu ya mvumbukulu. Beno me mona? Bawu zole, kintwadi, ke talisa basantu yina ke zinga mpe basantu yina me salama.

220 Beno bambuka moyo, bayina me kindisama samu na kumona na simu yina, ya ba-rido. Wapi mutindu bantu yayi vwandaka me kindisama samu na kutala na simu yina ya rido mpe samu na kutala na ntangu yayi; bapofete yina!

221 Beno tala Paul, yandi tubaka na bilumbu ya nsuka wapi mutindu bantu yayi ke vwanda, ke sala mpe ke kukibokila bawu mosi Baklisto. Yandi vwandaka profete, ya kifuluka na ngolo ya nkindusulu, monaka na ntwala yawu kusalama. Beto ke kwikila yawu. Mutindu yina ve? Yandi kuzwaka ngolo ya nkindusulu.

222 Beno tala ngolo ya nkindusulu bubu yayi, ke na kuzabisa bima, kukondwa diambu mosi kukondwa. Ata mbala mosi ve yawu ke kubwa. Ngolo ya nkindusulu; ngolo ya muntu ve; ngolo ya Nzambi. Ngolo, mukanda ya muswa ya Paki, Yesu yina me vumbuka na luwa fidisaka mukanda ya muswa, yina ke kipiku ya beto ti beto me kindisama dezia na Yandi.

223 Beno tala. Beno ke bambuka moyo na mwa buku, Bantu ya Mumbongo awa, *Kutala Na Simu Yina Ya Ntangu?* Mu me banda na kukuma mbuta, na kuzabaka ti bilumbu ya munu ke na kukuma nkufi. Mu me kuma na kieleka . . .

224 Mu ke bulaka mwa kitini yina bamama yayi kuyimbaka na mwa ntangu fioti me luta. Mu vwanaka na yawu pene ya bamvula kumi na nana, bamvula makumi zole ntangu yayi. *Mu Zola Tubila Yawu, Mfumu.* Mpe beno kwenda kuna mpe beno sambila, na yina ngolo yina ya nkindusulu ke kwisa. Mu me pema. Mu me tala na zulu Kuna. Mu me tuba, “Mu me tala kuna na zulu.”

225 Mu ke bambuka moyo na suka yina, ntangu mu zangukaka na simu yina. Mpe kento ya munu, yina me vwanda kuna na manima, vwanaka ya kulala na mbeto mosi na munu na suka yina. Mu telamaka, mpe talaka kuna. Mpe yandi yayi, ya kulala. Mu tubaka, “Kana mu ke sala kima mosi samu na Mfumu, nge ke sala mbote na kukwenda mbangu, bakala. Nge me luta makumi tanu.” Na yina Mpeve-Santu zangulaka munu, mpe mu talaka Kuna na zulu. Mu monaka basantu yina, kaka mutindu mu me telama awa na chaire yayi, na Buku yayi ya kitoko na kati awa, mpe longi ya Nsangu ya mbote.

226 Mu me tubaka na beno ntete kima mosi na Nkumbu ya Mfumu kasi yinki kusalamaka? Kana mu me sala yawu, mu zola beno tubila munu yawu. Konso ntangu, yawu vwanaka ya kulunga, na estrade? Konso ntangu, ya me salama kaka mutindu Yandi tubaka? Yayi vwanaka MUTINDU ME TUBA MFUMU.

227 Mu telemaka kuna, mu talaka kuna na ntangu yina. Mu monaka bambala makumi ya mafunda na mafunda ke kwisa, bantwenia ya babakala mpe bakento, ke kwisa mbangu, ke lemuka munu na nkingu ya munu, ke boka. Mu ke tala kaka na manima mpe mu ke mona munu mosi ya kutandama na zulu ya mbeto. “O Mfumu, bika mu tala na simu yina ya ntangu.”

228 Yinki ya kele? Ya kele ngolo ya nkindusulu yina ke zangula beto. Ngolo yina ya nene ya nkindusulu. Ngolo ya nkindusulu ke kwisa na bilumbu yayi ya nsuka.

229 Yawu yina mu kele na Arizona, na ntangu yayi. Ya ke na bantu mingi me vwanda awa, yina me telama kaka awa na Phoenix, mpe kuwaka munu kutuba na beno katuka estrade yayi, “MUTINDU ME TUBA MFUMU.” Bantu yikwa ke bambuka moyo na yawu? “Ntangu yayi kwenda. Kima mosi zola salama.”

230 Mu monaka Bawanzio sambwadi kwisaka. Magazine *Life* me talisa yawu ve, mutindu lubungi ya Yawu vwandaka luta na zulu ya yawu kuna, na ba-kilometre makumi yiya na tatu kuna na zulu mpe vwandaka na ba-kilometre makumi yiya na nana na bunene? Ya kele ve Fred Sothmann, yankaka yayi, Gene Norman, yina kele ya kuvwanda na manima kuna? Yandi telamaka kaka kuna ntangu Bawanzio sambwadi kutalanaka kaka kuna na mongo. Ya ningisaka bamongo, mutindu yina. Ya vwandaka na Bawanzio sambwadi. Mpe nge losaka mbele na diboko ya nge, yandi tubaka, “Vutuka na yinzo mpe fungula Bidimbu Sambwadi yayi yina me pesama.” Mpe bawu yayi, mansweki ya kieleka ya makwela mpe ya kufwa makwela, mpe nkuna ya nioka, mpe bima nyonso yayi yina ba me sala mutindu bimbangi. Ya kele MUTINDU ME TUBA MFUMU.

231 Yinki ya kele? Ngolo ya nkindusulu ke kwisaka na Dibundu, na kukubikaka Yandi, na ngunga yayi beto ke na kubelama. Ngolo ya nkindusulu!

O Nzambi, sadisa beto na kuzwa Yawu. Sadisa beto na kukwikila Yawu.

232 Beno me mona, ya ke tala kaka na dibanza yina beno ke baka samu na Yawu, kana Yawu ke sala beno mbote, to ve, na kisika yina. Beno me mona? Beno fwana kwikila Yawu. Beno ke kwikila Yawu ve, Ya ke sala beno mbote ata fioti ve.

233 Mutindu kiboba ya Samuel vwandaka kuna na ntwala ya bantu yina, mpe yandi tubaka, “Mu me tubaka na beno ntete kima mosi na Nkumbu ya Mfumu kasi yina kusalamaka? Mu me lombaka beno mbongo ya beno, samu na kuzinga na yawu?”

“Ve, kasi beto zola ntinu, na mutindu nyonso.”

234 Ya kele mutindu dibundu kele bubu yayi. Ba ke zola mabanza ya bawu mosi. Ba ke kipe beno ve. Bawu ke tambula kaka. Mbote, ya ke talisa, ngolo ya nkindusulu kele kuna ve.

235 “Oh,” beno ke tuba, “Mbote, mu zonzaka na bandinga. Mu dumukaka mpe mu bokaka.” Ya kele nyonso mbote.

236 Kasi kana ngolo yina ya nkindusulu kele kuna, beno ke zaba yawu. Mutindu mwa ngononi yina; yina kele mama ya yandi. Yina kele Ndinga. Yina kele MUTINDU ME TUBA MFUMU. Yawu yina Nzambi silaka. Yawu yina tubamaka na ntwala. Yawu yina salamaka. Beto kele na zulu ya kivudi nionso ya ntembe, ya kieleka na kati ya mvumbukulu na ntangu yayi, basantu ke na kukubama samu na kuzanguka na mipepe.

237 Na yawu, Yesu, na yina ya kifuluka na ngolo yayi ya nkindusulu, tubaka, “Kana beno lenda kubebisa tempelo yayi; yina bakaka beno bamvula makumi yiya, beno banzaka, samu na kutunga; mu ke vumbula yawu na bilumbu tatu.”

238 Samu na yinki? Samu na yinki Yesu lendaka tuba mutindu yina? Beno zola yufula beno. Samu na yinki Yesu lendaka tuba

diambu ya mutindu yina? Yandi zabaka Ti Yandi vwandaka. Amen. Mu ke zola sala ti mu baka kitini yina. Yandi zabaka Nani Yandi vwandaka. Yandi zabaka yawu, Ndinga nionso, Nzambi sonikaka kuna na kati ya Yandi, Yandi lungisaka yawu. Yandi zabaka ti Yandi vwandaka Yina David tubaka.

²³⁹ Beno zaba ti beno kele bayina Biblia ke zonzila? Beno zaba kisika ya beno kele kati na Klisto? Kana beno kele kati na Klisto, beno kele kivangu ya malu-malu. Beno zaba ti Ndinga yayi kele kaka mutindu konso kilumbu, samu na beno? Samu na yinki, kieleka. Ya kele ya nge. Nge kele ngononi. Yina kele Madia ya nge.

²⁴⁰ Yandi zabaka yawu, na nzila ya ngolo ya Nzambi, Yandi ke sala yawu, samu yawu pesamaka na profesu ti Yandi ke sala yawu. Ya kele samu na yina Yandi vwandaka ve na boma ya kutuba, “Beno bebisa tempelo yayi. Mu ke vumbula yawu na bilumbu tatu, samu ti David tubaka, ‘Mu ke bika ve moyo ya Yandi na difelo, to Mu ke bika ve Santu ya Munu kupola.’” Yandi zabaka ti ata cellule mosi ve ya nzutu ya yandi ke pola. Mpe yawu ke pola na bangunga makumi sambwadi na zole. Yandi tubaka, “Beno bebisa tempelo yayi. Mu ke vumbula yawu diaka, na bilumbu tatu yina.” Samu na yinki? Yandi vwandaka ya kifuluka na ngolo ya nkindusulu yina kindisaka Ndinga nionso. Yandi talaka na manima mpe monaka Ndinga nionso Nzambi sonikaka samu na Yandi, mpe profete tubaka ti Yandi lungisaka yawu. Yandi zabaka ti yina ke salama, mpe.

²⁴¹ Ntangu yayi, konso Ndinga yina Nzambi tubaka, kele na mpeve ya beno ke tuba “amen” na Yawu, Yawu me salama na luzingu ya beno, mutindu mukwikidi?

²⁴² Beno ke kangama na kima mosi, beno ke tuba, “Mbote, dibuundu ya munu ke longa mutindu yankaka”? Na yina beno sala keba, faucon.

²⁴³ Beno tala. Bangononi ke kwikila. Ya kele na ata kyuvu ve, na bawu. Bawu ke kwikila Yawu. Beno tala.

²⁴⁴ Ntangu yayi, Yandi zabaka ti yawu ke salama samu Ndinga me tuba ti Yawu vwandaka. Mpe Ndinga nionso me sonama na Yandi ke lungisama. Yandi zabaka ti Yawu sonamaka na ngolo ya Nzambi, na nzila ya bapofete ya santu yina pesamaka na profesu ti Yandi ke sala mutindu yina.

²⁴⁵ Mpe ata mbala mosi ti profesu ke kondwaka. Ya lenda ve. Ndinga ya Nzambi lenda kubwa ve. Mpe ya kele ya kusonika na . . . na nzila ya Mpeve yina . . . Mpe ntangu yayi, diaka, Mpeve yina vumbulaka Yesu na lufwa, kana Yawu ke zinga na kati ya moyo ya beno, nzutu ya beno, Yawu ke kindisa diaka nzutu ya beno yina ke kufwa. Na yina, beno bula yawu munduki, beno yoka yawu na tiya, beno sala konso kima yina beno zola, kuseka yawu, beno pasula yawu, beno manga yawu, beno sala yina beno zola sala. Nzambi ke vumbula yawu, samu ti Yandi

tubaka ti Yandi ke sala yawu. Mpe konso santu ya Nzambi kele na nsilulu yina na kati ya yandi, zaba ti yina kele Kieleka. Na yina, beno vwanda na boma ve, mpangi-bakala, beto vwandaka dezia na Paki.

²⁴⁶ Beno tala ntangu yayi na nsobolo, kaka ntete beto sukisa. Nsobolo, nsobolo, beto nionso me talisama kuna na kati ya nsobolo. Beno tala yina beto ke mona bubu yayi. Beno tala yina beto ke mona bubu yayi, ngolo ya nkindusulu ya Nzambi. Beto nionso vwandaka kuna. Ya vwandaka na basantu ya kufwa, yina vwandaka talisa na Moise; ya vwandaka na mvumbukulu; mpe Yesu Klisto ya nkembo. *Élisée* . . . *Moïse*, *Élie*, mpe Yesu, bawu nyonso ya kutelama na zulu ya mongo; basantu ya kufwa, basantu yina me zanguka; mpe Yesu ya nkembo. Oh, la la!

²⁴⁷ Mbote, beno ke tuba . . . Mu waka muntu mosi kutuba. Ba ke tuba, “Beno bantu, na yina, kana beno kele na ngolo ya mutindu yayi, beno fwana basika mpe kutuba na bantu yina beno lenda sala.” Ntama mingi na kuvwanda na Muklisto ya kieleka, na kutubaka kima mutindu yina. Beno me mona? Kieleka, beto ke tubaka ngolo ve. Na . . .

²⁴⁸ Kasi beto ke sala kima mosi. Ntangu bawu talaka na nziunga, na ngolo yayi nionso na zulu ya bawu, “Bawu monaka Yesu kaka.” Mpe mukwikidi ya kieleka, ke tala ve kana yandi ke simbisa denomination, to kima mosi ve. Yandi zola kaka kima mosi, samu na beno na kumona Klisto ya nkembo, ke sala luswaswanu mosi. Nzingulu ya kieleka, ya kisina ya Mongo ya Nsobolo ke kembila kaka Yesu Klisto. Yawu ke kembila Moise ve, ke kembila Elie ve, ke kembila bawu mosi ve, ke kembila kima yankaka ve, kasi bawu monaka Klisto ya nkembo. Mpe mukwikidi nionso ya kieleka, yawu yina ke na kati ya ntima ya yandi, samu na kukembila Yesu Klisto. Yawu yina yandi ke meka kunata bantu na kumona.

²⁴⁹ Mu tubaka ve, “Mbote, kana beno kwisa kota na bimvuka ya beto, kana beno kwisa sala *yayi* to beno sala *yina*.” Oh, kusala mutindu yina ve. Kusala mutindu yina ve.

²⁵⁰ Beno me mona Ndinga ya Nzambi, yina kele Klisto, ya lukumu; mpe ke lungisa nsilulu ya bubu yayi, na ngunga yayi ya nene ya mvumbukulu. Beno tala. Mpe ya ke pesaka bawu kiese, na kuzaba ti beto kele na Yandi, nzutu ya nsuni ya Yandi, mpe mikwa ya mikwa ya Yandi. Wapi kiese! Yina kima mosi kaka yina mukwikidi ya kieleka ke talaka.

²⁵¹ Ba ke kipe denomination ve. Ba ke kipe organisation ve. Ba ke kipe ve yina bakento yankaka ke banzaka. Ba ke kipe ve. Kieleka ve. Bawu ke sala bima yayi ve yina . . . bakento yayi yankaka ke sala. Bawu . . . Babakala yayi ke sala bima yina ve. Ba ke bikana ve kuna na kusala kibébé na organisation, samu na kutina ti ba basisa bawu na nganda, mpe na boma ya

kuzimbisa madia ya bawu. Ba ke kipe ve bima yina. Ya kele buzoba na bawu.

²⁵² Ya kele kaka na nsatu ya ntima mosi, ya kele, kumona Yesu Klisto ya nkembo. Kikalulu ya bawu fwana vwanda na Nzambi. Ya fwana kieleka, kima yankaka ve, kasi kaka nkembo ya Yesu Klisto. Mpe yinki kele Yesu? Ndinga. Ya kieleka? Ntangu yayi, beno tala, mpe kumonaka nsalulu ya Yandi ya mutindu mosi yina me siamisama, samu na kutalisa mvumbukulu ya Yandi. Ntangu yayi yinki ya kele? Kumona luzingu ya beno, na nzila ya Ndinga ya Yandi ya nsilulu yina Yandi tubaka, “Yandi kele mutindu mosi mazono, bubu yayi, mpe kukondwa nsuka,” na kumonisaka ti Yandi kele dyaka moyo.

²⁵³ Mu ke kipe ve kana mwelo nionso kele ya kukangama na munu. Ti, mu kele. . . Mutindu mu vwandaka tuba, mu vwandaka na bamvula makumi tanu na sambanu, na kilumbu yina. Mu lenda kufwa ntima. Mu kele na mpasi ya ntima. Mu kele na nsungi yayi yankaka, mpe nionso yina. Mbote, wapi luswaswanu? Ya vwanda sala ata luswaswanu ve na munu ntangu mu vwandaka mwana ya fioti. Ya ke sala luswaswanu mosi ve na ntangu yayi, yinki ngunga ba ke bokila numero ya munu, mpe kalati ya munu kele na nganda ya masini. Mu ke kipe ve kana bawu zabaka ti mu ke zingaka na zulu ya ntoto. Ya ke sala munu ata luswaswanu ve. Ba ke na nsatu ya ba-moine ya nene ve mpe bayinzo ya nene ya kutuba ti mu vwandaka awa na zulu ya ntoto.

²⁵⁴ Kima mosi kaka mu zola ti bawu kuzaba, samu na kuzaba ti “Yesu Klisto kele mutindu mosi mazono, bubu yayi, mpe kukonda nsuka.” Mpe na kati ya ntima ya munu mu ke na mukanda ya muswa ya Yandi. Mpe mu zaba ti kilumbu mosi. . . Ata ti, mu lenda dinda na mubu. Ba lenda kufwa munu na Afrika. Mu zaba ve yinki ke salama na munu. Kasi kima mosi mu zaba, mu ke na mukanda ya muswa. Alleluia! Konso kielo lenda vwanda ya kukanga. Yina ke sala ata luswaswanu ve samu na munu. Mu ke mekaka ve na kukembila muntu mosi to organisation mosi, munu mosi ve, to ata bimvuka yankaka, to kima yankaka ve. Mu ke zola bantu kumona Yesu Klisto me vumbuka na lufwa, mpe Mpeve ya Yandi ke zinga. “Yandi ke mutindu mosi mazono, bubu yayi, mpe kukonda nsuka.”

²⁵⁵ Kuyituka ve, Yesu tubaka, “Beni vwanda na boma ve. Mu kele Yandi yina kufwaka, kasi Mu ke zinga kukonda nsuka.”

²⁵⁶ “Samu ntangu yayi beto kele ya kuvulusa na nzila ya Yandi, mpe me vumbuka na lufwa na Yandi, mpe kele ntangu yayi (ya ke vwanda ve) ya kuvwanda na bisika ya Mazulu na kati ya Yandi.” Ntangu yayi, ntangu beto ke na Mpeve yayi na kati ya beto, mukanda ya muswa, yina ke talisa ti bantembe nionso me katuka. Yinki? Klisto ke zinga. *Mu* ke zinga ve; *munu* ve. “Klisto ke zingaka na kati ya munu.” Ve *beno* ke zinga, kasi

Klisto ke zingaka na kati ya beno; samu Ndinga ya Yandi ya moyo ke zingaka na kati ya beno, ke lakisa ti nyonso kele ya Méthodiste ya beno, mpe mabanza ya ba Baptiste, mpe mabanza ya ba Pentecotiste, bima yankaka nionso, vwandaka ya kubeba. Mpe Yesu Klisto. . .

²⁵⁷ Mutindu na Mongo ya Kukituka, baprofete nyonso mpe nyonso yankaka me suka. Bilumbu nyonso ya bantu ya Luther, ba-Méthodiste, ba-Presbytérien, bawu nyonso kele ya kulunga, kasi, “Yayi kele Mwana ya Munu ya luzolo. Beno kuwa Yandi,” Ndinga ya ngunga yayi, ngunga ya Bidimbu. Ntangu, mansweki nionso kuna, yina me bumbama bamvula nionso yayi, mpe ya kele. . . Pyramide ya nene ya ntangu yina ba losaka, ditadi ya yintu, kusala ti yawu talisa ti Mbwetete ya David ke suka na kisika ya Yawu. Mpe Dibuundu ya nene ya Nzambi ya moyo ke telama mutindu mapapu ya ngononi, ke nata yawu kuna na Nkembo. Yinga.

²⁵⁸ Ntangu yayi na kati, ntangu yayi na kati, na kati ya banzutu ya beto: na kutuba na bandinga ya malu-malu; na kupesaka profesi, mpe na kumonaka na ntwalala; ke tentika maboko na bambevo, mpe bawu ke beluka; yinza, kele ya kufwa, mpe bima nyonso ya yinza. Beto me luta lufwa na Luzingu, mpe beto ke na ntangu yayi na ngolo. Alleluia!

Na suka ya mvumbukulu yina,
Ntangu bidimbu ya lufwa ke bukana,
Beto ke vumbuka na lufwa, (Alleluia!) beto ke
vumbuka na lufwa. (Amen!)

²⁵⁹ Ya ke na bampeve ya yimbi mingi ve na difelo samu na kukeba beto na kusala yawu. Ba kubikaka beto na Nzambi samu na ngunga yayi. Ndinga ya Nzambi ke kukimonisa Yawu mosi na nzila ya beto. Mpe beto ke zinga na Mvwandulu ya Nzambi, na nzila ya Ndinga ya nsilulu ya Nzambi. Diabulu kele ve na difelo lenda kanga munu na kuvumbuka. Ya kele ve kielo yina yandi lendaka kanga na kizizi ya munu, na suka yina. Bidimbu zibukaka. Alleluia!

²⁶⁰ Mu kele na kimpwanza. Mu kele ngononi. Mu kele dyaka ve na kati ya lupangu, kasi mu kele na kimpwanza. Mu me vumbuka na lufwa, na Luzingu ya malu-malu ya Yesu Klisto. Munu kaka ve, kasi bakala nyonso, bakento, mwana ya bakala to mwana ya kento ya kuvwanda awa, yina me fuluka na Mpeve ya Nzambi, kele kivangu ya malu-malu na Klisto. Mpe beno kele ngononi.

²⁶¹ Beto ke zinga, bubu yayi, mpe ke sepela na mvumbukulu ya lufwa kukonda nsuka. Samu Yandi ke zinga, beto kele ya moyo, mpe. Mpe Yandi ke na kuzinga beto, ke na kupesa beto moyo. Mpe Mpeve yina vumbulaka Yandi na lufwa, na kuzingaka na kati ya banzutu ya beto, ke kindisa banzutu ya beto yina ke kufwa, na Paki yina ya nene ya Kukonda nsuka. Nkembo na Nzambi!

262 Oh, beno baka yinza, beno baka nionso yina beno zola, kasi beno pesa munu Yesu. Amen. Mu zola Yandi. Yandi kele yinza ya muvimba, samu na munu.

263 Mpe samu ti beno kele kitini ya Yandi, mu kele kitini ya beno, mpe beno kele kitini ya munu. Mpe, kintwadi, beto kele kitini ya Yandi.

264 Oh, Muklisto, wapi ntangu ya mbote beto ke na yawu! Beto ke na bisika ya mbote na Santu Paul ata mbala mosi ve lotaka na kuzwa yawu. Beto ke na bantangu ya mbote na Enoch, mpe Elie, mpe bawu nionso me vwandaka na yawu ata fioti ve. Bisika ya kulutila mbote beto ke na yawu ntangu yayi!

265 Mpe kele na mwa dimeme mosi kuna kisika mosi kuna, mpe Yandi ke sepela ve tii kuna yina ke kwisa na lupangu. Na nzila ya lusalusu ya Nzambi, mpe na nzila ya vision, mpe MUTINDU ME TUBA MFUMU, mu ke na kuvutuka na simu ya mubu. Mwa dimeme yina me luta lunga vwanza ndombe mosi kuna, samu na nionso mu zaba, sika wapi bawu kele ve na moyo. Kasi Nzambi zaba luswaswanu. Mu ke sosa tii na kilumbu ya nsuka ya luzingu ya munu, samu na kumona yawu, konso kisika yina yawu kele.

266 Mu banza ti mu me lwadisa ata mosi ya bampangi ya munu ve na kutubaka mambu yayi ya kulutila ngolo. Mu . . . Ve mutindu mu zola ve ti beno kwenda na yinzo-Nzambi. Ya kieleka, mu zola ti beno kwenda na yinzo-Nzambi. Beno kwenda na yinzo-Nzambi kisika nionso beno ke kwenda. Kasi beno bika ve yina kuvwanda kivuvu ya beno, beno tuba, “Mbote, mu kele ya *yayi*, to mu kele ya *yina*.” Oh, mpangi-bakala, mpangi-kento, kele ya Klisto. Kwenda na dibuundu, kasi vwanza ya Klisto. Amen.

267 Bika ti—bika ti nzikisa yayi, kana yawu ke mutindu yina ve, kukindisa beno ntangu yayi na Luzingu. Beno zola yamba Yawu ve ntangu yayi?

268 Kivinga yayi kele ya kufuluka na Yawu. Mu ke kuwa Yawu nyonso na zulu ya munu. Mu zaba ti Ya kele awa, ngolo ya Nzambi, Ba-vision ya nene ya ba-vision, Mbikudi ya nene yina lendaka tuba bima mpe ya ke kubwa ata fioti ve, Muntu ya nene yina lenda tuba mpe muntu ve lenda tuba ti ya kele “ve,” Muntu lenda zibula mpe muntu ve lenda kanga. Yandi yina vwandaka ya kufwa kele moyo ntangu yayi, mpe kele moyo, bubu yayi, awa na Phoenix, na kutambulaka na kati-kati ya bafelele ya malu-malu.

269 Kuyituka ve, na suka yina ya Paki ya vwandaka na mwa masa ya meso na ditama ya konso lys mpe konso rose. Samu na yinki? Ya zabaka ti ba nataka yawu na zulu ya ntoto, mpe kisika mosi kuna ya kele na bafelele ya Kukonda nsuka. Ya ke baka kisika ya yawu kilumbu mosi. Ya kieleka.

270 Kuyituka ve, masa ya meso ya kiesa lenda kulumuka na matama ya beto. Kuyituka ve, bantima ya beto ke tekita mpe ke tekita na yina beto lunga kuwa ngolo yina mosi samu na kusoba

ke kota na baluzingu ya beto mpe ke fuluka na beto, mpe ke bika beto kuzonza na ndinga yina me katuka na Mazulu.

²⁷¹ Beto me kindisama kieleka na Mvwandulu ya Yandi kuna, profesu, kumona na ntwala, kubikula, mpe bima nionso ke wisana na mutindu ya kulunga na Ndinga. Kana ya kele kupesa baprofesi ya kuswaswana na Yawu, beno kwikila yawu ve. Kasi kana ya kele na Ndinga, Yawu me tuba yimeni, MUTINDU ME TUBA MFUMU.

²⁷² “Beni vwanza na boma ve. Mu kele Yandi yina vwanzaka ya kufwa, mpe kele moyo ntangu nyonso.” Yina kele kidimbu ya Paki ya Nzambi yina ke tula kidimbu na konso kisono ya Ndinga yayi na kati ya ntima ya beno. Yinki kele kidimbu? “Beni kele mikanda yina me sonama, yina ke tangama na bantu nionso.” Beni zaba yawu. Kasi ntangu Nzambi me tuba na beno, Yandi tulaka beno kidimbu na kidimbu ya Paki, ti beno me vumbuka na lufwa na Klisto, mpe beno kele kivangu ya malu-malu.

²⁷³ Kana ba me tula beno kidimbu ve na suka yayi, mutindu yina ntangu beto ke kulumusa bayintu ya beto.

²⁷⁴ [Mpangi-bakala me banda na kuzonza na ndinga yankaka. Kisika ya mpamba na bande—Mu.] . . . Mfumu. Beni ke kuwa yawu?

²⁷⁵ Beni banza ntangu yayi, na bayintu ya beno ya kukulumusa. Romains 8:11, “Kana ya kele mutindu yina Mpeve yina vumbulaka Klisto na lufwa kuvwanza na kati ya beno, Ya ke kindisa diaka banzutu ya beno yina ke kufwa.”

²⁷⁶ Yinki beto lenda tala na ntwala, bantu? Yinki kele kuna me bikana? Beni tala mutindu ya Kosmos mpe yinza ya muvimba. Mpe ba-bombe atomique mpe bima yankaka nionso me kubama samu na kubula yinza, mpe ba vwanzaka kaka na kidi-kidi, mpe boma, mpe ba vwanzaka boka. Mpe bansaka yayi na écran, kuna, kisika kaka ba ke sala bansaka nionso, kaka mutindu mwana-bakala mosi ke luta na maziama, ke na kubula mwita na mpimpa, ke meka na talisa na bantu ti bima nionso ke tambula mbote. Beni kuvunama ve. Nkwizulu ya Mfumu me kuma pene-pene.

²⁷⁷ Beni tala, kilumbu yina, mulobi mbisi kwisaka mpe yandi tubaka na munu, yandi vwanzaka kuna na zulu ya sanduku, ti, yawu vwanzaka na nsongi mosi ya ngolo to kima yankaka kuna. Yandi tubaka na munu, ti, na ntwala ya vwanzaka kuningana ya ntoto kuna na Grèce, bambisi nionso yina ke kwisaka kudia na ntangu yina ya suka, ba kwisaka ve kudia. Yinki ya vwanzaka? Ba vwanzaka ve na kisika ya kulutila. Mbala ya zole ya salamaka, kima mosi salamaka. Yandi zabaka ti kima mosi ke salama. Mbisi yina vwanzaka disamaka ve na ntangu yina.

²⁷⁸ Mpe bima nionso yina ke kudisa na mbisi, bawu ke bika madia. Na suka-suka, ya kele ntangu yina bawu ke kudia. Bawu vwanzaka na zulu ya banc, ba kwendaka ntama ya matadi mpe nionso. Na yina, kaka na mwa minuti fioti, matiti ya

mubu bandaka na kutoka na ntoto, ntama kuna na mbeto ya mubu. Beno me mona? Bambisi yayi zabaka yawu ntete yawu kusalama.

279 Mu vwandaka kwenda na Inde, mu vwandaka tanga zulunale, mu tubaka, “Kuningana ya ntoto zolaka salama.” Na yina, bandeke ya fyoti vwandaka vutuka ve na mazanza ya bawu na matadi. Kitwisi lendaka ve kuvwanda pene-pene kibumbamanu na nsi. . . na kivudi, na kati ya mwini ya kilumbu. Mameme vwandaka bikana na kati ya kilanga, ya kukangama bamosi na bayankaka. Bawu lendaka mata ve pene-pene ya matadi, bilumbu zole to tatu na ntwala kuningana ya ntoto kusalama.

280 Samu na yinki? Mameme ya bawu zabaka yawu. Bawu zabaka ti kima mosi zolaka salama. Bandeke yina zabaka ti kima ke salama. Ba me zaba ti kima mosi ke salama. Bambisi yina zabaka ti kima mosi zolaka salama. Ya kele Nzambi mosi yina twadisaka bibulu yina na nzanza.

281 Beno lenda mona ve, bantu ya kufuluka na Mpeve, kima ke zola salama? Beno vingla ve *kima* mosi ya nene ya bantu nionso ya kulutila nene; kima yankaka ve kasi Nkwizulu ya Mfumu Yesu. Beno bambuka moyo, beno bambuka kaka moyo na Bandinga mpe nsilulu ya Mfumu.

282 Beno zola kwisa ve na nswalu nionso? Beno kwenda ntama na bibaka yina ya nene. Mvumbukulu me kuma pene-pene na ntangu yayi. Kana ya kele na muntu awa yina zaba ve ti ba ke kwenda na mvumbukulu yina, mpe ya kieleka ve ti bawu kele na ngolo ya mvumbukulu yina ke pema na kati ya bawu!

283 Ata ti misobi me bebisa yawu, ata ti bombe atomique me tatika kaka na kati-kati ya beno, ya ke bebisa ata fioti ve nkindusulu yina, ngolo ya mvumbukulu. Ve, ve. Mpangi-kento, mpangi-bakala, nkumbu ya nge ya ntalu me tulama na Buku ya Luzingu ya Mwana-dimeme na zulu kuna. Muntu ve lenda kukatula yawu. Ya ke na mambu mingi ya luswaswanu ve, na yinza, samu na kumwangisa nkumbu ya beno na Buku Kuna Menga ya Yandi me sumba yawu.

284 Kana beno ke ndima yawu ve, beno baka yawu ve—ve ntangu yayi. Beno me mona? Beno lendaka kuzwa ntangu ya kuluta kikaku yina kisika mosi kuna mpe kukondwa kufwa beno, kasi beno ke luta ve na kikaku yayi. Ve, ve. Beno ke kuzwa kitumbu samu na yawu. Beno ke vwanda na yawu ve. Kele na nsemo ya mbwaki mingi na ntangu yayi. Beno bika, beno bika mabanza ya beno, beno bika bima ya yinza.

285 Beno kwisa. Beto telama kintwadi na ntangu yayi ya nene ya Paki, mukembu ya nene ya Paki. Beno lenda kembila yawu na kati ya ntima ya beno na sabala yayi? Kana beno lenda ve, beno zola kaka kutelemisa diboko ya beno na Nzambi?

286 Beno ke tuba, “Nzambi, mu ke ndima yawu ve. Mu zaba ve kana mu lunga sala nionso yina to ve. Nge lenda sadisa munu? Mu ke telemisa diboko ya munu na Nge, Mfumu. Sadisa munu.” Nzambi sakumuna nge. Nzambi sakumuna nge. Ya kele mbote. “Mu—mu—mu zola Nge, Mfumu. Sadisa munu. Mu—mu ke zola—mu ke zola kuvumbuka. Mu—mu ke zola kuvwanda. Mu ke zola kuzwa nzikisa kaka ntangu yayi. Mu ke zola kuzaba ti ya kele kieleka. Mu zola zaba ti ya ke kieleka, Mfumu. Mu zaba, mu lunga sala ve mambu ya nsoni . . .” Kuna beno ke na nsatu ya kifu ve. Ntangu me lunga ve . . . ntangu me luta mingi. Ntangu yayi kele kilumbu. Oh! Ntangu yayi kele kilumbu. Beno vingila ve.

287 Ntama mingi ve, mu vwanda longa. Kuvwandaka na kiboba mosi ya ndombe yina vutukaka kuna na manima ya yinzo, yandi kutanaka na munu. Yandi tubaka, yandi tubaka, “Reverend, mu zola tuba na nge. Mu ke tuba ti nge ke ya kieleka.” Yandi tubaka, “Mu me tuba na Mfumu, kubanda ntama, mu zola ti ticket ya munu na diboko ya munu na suka yina. Mu zola kuzaba ti ya kele ya kusunika.” Yandi tubaka, “Ya ke vwanda mpasi mingi kuna na nzadi.” Yandi tubaka, “Mu—mu—mu ke kwisa kuna, na nzadi yina.” Yandi tubaka, “Mu—mu zola ve kuzwa dyambu kuna. Mu zola sungika yawu nyonso kaka awa.” Ya kele kieleka.

288 Beno kele na visa ya beno? Kana beno kele ve na visa ya beno . . . Beno lenda vwanda na passeport, kasi, kana beno kele ve na visa ya beno, beno lenda ve kukota na Yinsi. Beno zaba yawu. Beno me kubama na nionso? Kana yawu ke mutindu yina ve, na ntangu yayi yawu ke ntangu ya kusala yawu.

289 Beno vwanda na boma ve, kana beno kele na mwa boma. Ntangu yayi, ya kele keba ve na nkama mosi yina kele na zulu awa. Na yina kana beno kele kaka na mwa boma, ntangu yayi beto sukisa yawu.

290 Ntangu yayi, mu zaba ti beto kele na mitindu ya luswaswanu. Bantu yankaka ke tuba, “Kwisa awa, bika mu pesa nge mbote.” Yankaka ke tuba, “Mata, fukama na autel.” Ntangu yayi, bawu kele mbote. Mu ke na dyambu mosi ve ya kutuba na zulu ya yawu, ata kima ve, nyonso yina ba ke tuba.

291 Kasi bika mu tuba na beno mutindu ya munu. “Bayina nionso kwikilaka, bayina nionso . . .” Kwisa na autel ke sala beno ve na kukwikila. Mu ke pesa mbote na longi mu ke kwikila ve. Kasi kana beno kele ya kubokila na Nzambi, mpe beno kele ngononi, na kubanda, kaka kuboka na beno. Beno ke kwikila. Kana beno ke kwikila yawu ya kieleka, mu ke sambila na beno.

292 Beno lenda banza ti mwa ngononi yina ke vwandaka na banganda ntangu yankaka? Ve, ve. Huh-uh. Ve. Beno vwanda dyaka awa ve, nkundi. Beto—beto kwenda na enlevement ntangu yayi. Lemvo ya Nzambi kele awa samu na kusala yawu.

293 Tata ya Mazulu, beto me bakula ti beto ke na kukuma na ngunga ya nsuka. Beto ke na ntangu mingi ve ya kuvwanda

awa ntangu yayi. Ya kele ve samu na bamvula ya beto, kasi samu na ntangu. Beto ke kwikila ti ya ke na ntwenya mosi ya kuvwanda awa, yina ke vwanda moyo ntangu yayi ke salama. Ya lendaka salama diaka bubu yayi. Beto me zaba ve muniti mosi to ngunga mosi. Kasi, Mfumu, Nge tubaka na beto, “Ntangu beno ke mona bima yayi kusalama,” mpe yawu me salama ntangu yayi kubanda ntama.

²⁹⁴ Beto zaba ti beto kele na nzila, landila science. Sambanu, bamvula sambwadi me luta, beto vwandaka na minuti tatu na kati-kati ya mpimpa. Beto me zaba ve wapi ntangu, tiki taki yayi ke landila, kasi beto zaba ti beto me kuma pene-pene.

²⁹⁵ O Nzambi, samu na kuvwanda na kivuvu yina: kumona ti ntima ya beto me ndima konso nsilulu ya Nzambi na “amen,” samu na kumona ti Mpeve Yawu mosi, yina me kwisa na beto, yina ke kindisa bumuntu ya beto.

²⁹⁶ Nzambi, bika bampangi ya munu kumona yawu, na suka yayi. Beno bika bampangi ya munu kumona yawu, Mpeve yina ke kota mpe ke kindisa Ndinga. Bika bampangi ya munu ya bakento kumona kima ya mutindu mosi, Mfumu. Na yina, kana bawu mona kima yina ke pesa bawu muswa ve na kukindisama na Ndinga yina, O Nzambi, bika ti bawu yambula yawu na nswalu nionso. Pesa yawu, Tata. Ya kele nyonso na maboko ya Nge ntangu yayi. Mu zaba ti mu me kondwa bima mingi, mpe ke landila na kubwa, kasi, Mfumu, mu me sala nionso mu zaba kusala. Ntangu yayi ya kele na maboko ya Nge. Ba kele ya Nge. Na Nkumbu ya Yesu, yamba bawu, Tata.

²⁹⁷ Ntangu yayi samu na beno yina kele awa mpe yina kele na nsatu ya kubeluka samu na nzutu ya beno. Bakwikidi yikwa kele awa? Beno telemisa maboko ya beno. “Mu kele mukwikidi, landila mutindu mu zaba ntima ya munu.” Bantu yikwa kele na yawu? Beno zaba, kukondwa ntembe, ti na kati ya ntima ya beno, kaka ntangu yayi, ba me vumbuka na lufwa? Beno zaba? Oh, la la! Yinki lendaka salama na lukutakanu ya mutindu yayi na ntangu yina? Mu zaba ti ntangu me luta, kasi yinki lendaka salama na ntangu yayi? Beno banza kaka na yina lendaka salama. Banzikisa kele ya kulelika kuna na kati ya beno. Beno me mona? Beno, na diboko ya beno ya kutelama, beno me baka mutindu—mutindu ndefi, na Nzambi, ti, “Mu zaba ti kima mosi me salama na munu. Mu lenda vwanda ve ya kusungama kisika mu fwana vwanda.”

²⁹⁸ Munu mpe kele ve. Ve, tata. Mu kele ntama mingi na kisika yina mu lendaka vwanda. Kasi mu zaba kima yayi, mu me luta lufwa na Luzingu. Mu zaba ti kima me salama na munu. Mingi. . . Ve mutindu kiboba ya bakala ntangu yayi, kasi bamvula mingi, mingi me luta, ya salamaka.

²⁹⁹ Mpe mu zaba, kilumbu yina ntangu mu kotaka na lupitalu yina, ntangu mu salaka ntembe ya munu ya nene. Mu monaka

kento ya munu kufwa; mu vwandaka bokila luzingu ya yandi. “Mpe yinki mu salaka kasi mu telemaka na nsongi ya bala-bala mpe kulonga, mpe kusambila samu na bambevo?”

Na yina Satana tubaka, “Mbote, Yandi ke pesa mvutu ve na bisambu ya nge.”

³⁰⁰ Mu monaka yandi kufwa, kasi mu zaba ti na ngolo ya yandi vwandaka ngolo yina ya mvumbukulu. Mikwa ya bawu ke vumbuka diaka.

³⁰¹ Mu monaka mwa mwana ya munu ya fioti ya kutandama kuna. Mpe mu tulaka diboko ya munu na zulu, mu tubaka, “Nzambi, kubaka yandi ve.”

³⁰² Beno tala mutindu Yandi bendaka rido yina, yandi tubaka, “Mu ke kuwa nge diaka ve.”

³⁰³ Satana tubaka, “Yawu yina. Kaka mpova mosi. . .” Yandi zabaka mbote mingi kulutila kutuba na munu ti Nzambi vwandaka ve, samu mu zabaka yawu. Kasi yandi tubaka ti Yandi ke zolaka munu ve, Yandi ke kebaka munu ve. Beno me mona? Konso diambu yina, yandi tubaka, “Nge ke kaka ntwenia ya bakala, kubanda bamvula makumi zole. Kento ya nge me lala awa na yinzo ya bamvumbi. Mpe awa kele bébé ya nge yina ke na kukwenda kuna. Mpe—mpe kaka. . . Nge tubaka ti Yandi vwandaka Munganga ya nene, mpe Yandi kele nionso *yayi*. Mpe, beno tala, yinki Yandi ke sala? Ndinga mosi, Yandi ke tuba yawu ve, ke tala kaka kuna mpe ke tuba. Yandi telemisaka yintu ya Yandi, yawu yina lungaka salama, mpe yawu lunga beluka. Kasi, nge me mona, Yandi ke zolaka nge ve. Yandi ke kebaka nge ve. Yandi me bika ti bébé ya nge kufwa kuna na ntangu yayi, mpe yandi manga na kuwa kisambu ya nge na ngunga yayi ya mudidi.”

³⁰⁴ Nyonso yina yandi tubaka vwandaka kaka kieleka. “Na yina yinki beno me sala? Beno ke sala bilumbu nionso, tii kuna beno lunga telema ve. Mpe na manima kuvwanda mpimpa nyonso, tii ngunga kumi na zole mpe ngunga mosi. Mu vwandaka ya kutelama na bansongi ya bala-bala, mu vwandaka longa. Ke kwenda kutala bantu na lupitalu. Kuvutuka kaka mpe kuvwanda, na kiti, ke vwanda kuna mpe ke lala ngunga mosi to zole, mpe mu ke vutuka diaka na kisalu. Nkokila yina ke landa, kima mutindu mosi. Mpe beno bawu yayi, pene ya bamvula makumi zole na mosi, makumi zole na zole. Nkundi nionso, mama nionso ya ntwenia, bakala nionso ya ntwenia yina beno me vukanaka na yandi ntete, ke bokila beno kilawu. Yinki nge me sala? Nge me kuma kilawu na nge mosi. Nge ke mona yawu ve?” Mu vwandaka kaka ya kukubama samu na kuwisana na yandi.

³⁰⁵ Mpe Kima mosi kuna na kati ya munu, yina vwandaka na ngolo ya nkindusulu. Mu tubaka “Mfumu me pesa, mpe Mfumu me kwenda. Nkumbu ya Mfumu kusakumuka.”

Ntangu bivuvu ya munu nionso ke kwenda,
Kuna Yandi kele kivuvu ya munu nyonso mpe
lusalusu.

Samu na Klisto, . . .
[Kisika ya mpamba na bande—Mu.] . . . putulu.

Oh, Yandi ke kwisa na muningu ya lunungu,
Na yina bika mu vwanda na—na kati ya Yandi,
Ya kufuka na bilele ya ludedomo ya Yandi.

³⁰⁶ Ve na ya munu mosi; mu ke na yawu ve. Ya munu kele mvindu, bitenda ya bilele ya mvindu. Mu ke zola ve kumeka kukwenda na Mazulu na zulu ya kulonga ya munu. Kuyina na kumeka na kukwenda na Mazulu na zulu ya ba-vision ya munu. Mu ke kwenda na Mazulu samu ti mu me simba lemvo ya Yandi na ntima ya munu. Lemvo ya Yandi, ya kele samu na yina mu ke na kukwenda. Ya kele mutindu beto ke na kukwenda.

³⁰⁷ Oh, nkundi, nge ke kitini ya Nzutu yayi. Nge ke bana ya fioti ya Nzambi. Ntangu yayi, mu ke tuba yayi samu na kutunga kivuvu ya beno. Kana beno me mona. . .

³⁰⁸ Kana mu kuzwa luvalu na beno, mu tubaka na beno Kieleka. . . Mpe yina mu me tuba na beno, kele—kele profete yina me tuba, kubanda bamvula yina me luta. Munu mosi ve ke na kusala profete ya Yandi. Ve, tata. Kasi mu ke na kutuba na beno Kieleka. Yandi me tubaka ntete kima yankaka na yina vwandaka kieleka? Mu me zaba beno ntangu yayi mwa bamvula makumi zole na kima mosi, awa na Phoenix, kubanda mukunga yina, *Mu Zola Tuba Yawu Diaka Na Yandi*, kuna na yinzo-Nzambi ya Mpangi Outlaw, mu banza ti ya vwandaka, mpe Mpangi Garcia. Mu me tubaka na beno ntete kima mosi na Nkumbu ya Mfumu kasi yina kusalamaka?

³⁰⁹ Beno bambuka moyo, kivuvu kele kaka na kivuvu mosi. Beno baka ngolo yayi ya nkindusulu. Ya ke simba beno. Ntangu bima yankaka nionso ke luta, Ya ke simba beno.

³¹⁰ Bayankaka ya bawu tubaka, “Nge ke zitisaka nsambulu ya nge, Mpangi Branham?”

Mu tubaka, “Ve. Ya me vwanda munu.”

³¹¹ Ya ke simbaka munu. Mu ke talaka yawu ve. Ya kele ve kana mu ke simba, to ve. Ya kele kana Yandi kangamaka, to ve. Yandi kele yina simbaka munu.

³¹² Yandi zolaka sala yawu ve. Bawanzio vwandaka na konso yinti, bawu tubaka, “Telemisa kaka misapi ya Nge kuna. Sala kaka kidimbu mosi; Nge fwana ve kuzangula yawu na kulunsi. Sala kaka kidimbu na musapi ya nge, mpe Nge ke mona.” Beno me mona, nkonga ya bantu yina ke kuseka. Kasi kana Yandi salaka yawu, mu zolaka ve kuzwa kimbangi yayi bubu yayi; beno zolaka kuzwa yawu ve. Kasi samu Yandi bikalaka na kulunsi, Yandi bikalaka kuna, yawu yina mu simbaka Yandi.

Na Klisto, Ditadi ya ngolo, mu me telema;
Bisika yankaka nionso kele putulu.

³¹³ Ntangu yayi, kana beno kele mbevo, beno lenda tentika maboko ya beno na zulu ya mosi na yankaka. Beto sambila. Beno tentika kaka maboko ya beno na zulu ya muntu na nzila ya beno. Ata nyonso yina kele mbote ve na beno, beno vwanda na lukwikilu ntangu yayi. Kana mu me tubaka na beno Kieleka, mu ke tuba na beno ntangu yayi. Beno me mona? Yesu tubaka, “Bidimbu yayi ke landa bayina ke kwikila.” Mpe beno kele bakwikidi, beno ke telemisa kaka maboko ya beno. Beno tula ntembe ve. Ya kele na mwa muntu ya mawa yina ke na yawu na maboko ya beno. Muntu mosi me tentika maboko ya bawu na zulu ya beno.

³¹⁴ Beno bambuka moyo na ngolo yina ya nkindusulu, ngolo yina vumbulaka Yesu na ntoni. Ntangu yayi beno kele na lukwikilu na yina beno kele na yawu na kati ya nzutu ya beno—na kati ya beno mosi. Ya ke sadisa muntu yina beno ke na yawu na maboko ya beno. “Kana Yawu ke zinga na kati ya beno, Yawu ke kindisa diaka banzutu ya beno yina ke kufwa.”

³¹⁵ Nzambi ya luzolo, mutindu mu me telama awa na suka yayi, pene-pene ya ntangu ya midi, ntangu yawu ke salama na ngunga yayi na ntangu Yesu bokaka, “Nzambi na Munu, Nzambi na Munu, samu na yinki Nge me yambula Munu? Mu ke na mpwila.” Ata ntembe ve, profete kumonaka yawu, mpe tubaka, “Mikwa nyonso ya Munu, bawu ke na kutala Munu. Bawu tobolaka maboko ya Munu mpe makulu ya Munu.” “Kasi Yandi vwandaka ya kutula na lutangu ya bimpumbulu. Kasi Yandi lwalaka samu na masumu ya beto. Ba lwadisaka yandi samu na disumu ya beto ya nkú. Kitumbu ya ngemba ya beto kubwaka na zulu ya Yandi, mpe na bamputa ya Yandi beto me beluka.” Beto ke tubaka ti, na suka yayi, Nzambi. Beto ke lombwa yawu.

³¹⁶ Na suka ya mvumbukulu yayi, beno tala, Kieleka yayi me siamisama ti mu me tuba, Mfumu, na Ndinga ya Nge, na Ntwala ya Nzambi. Yandi kele Zuzi, mpe beto kele bambangi ti Yandi me vulusa beto. Mpe na kati ya beto kele, na lemvo ya Nzambi, yina ke vumbula na lufwa. Mpe bankundi ya beto kele ya kubela, yandi yina ba me tentika maboko zulu ya yandi.

³¹⁷ O Nzambi, beto ke tula ntembe na diabulu, na kati-kati ya lukwikilu ya beto na suka yayi, na maboko ya kutentika na zulu ya bantu, mpe munu na maboko ya munu ya kutanda na zulu ya bantu. Bika ti bimbevo nionso, bampasi nionso yina ke mekaka na kusimba bantu, na ntwala ya Kieleka yayi me siamisama, kubasika. Na Nkumbu ya Yesu Klisto, bika ti bantu yayi kukuma na kimpwanza bubu yayi. Ti, Biblia, Bandinga ya Nzambi ya beto ke tuba, “Kana bawu tentika maboko ya bawu na zulu ya bambevo, bawu ke beluka.” Mpe maboko ya beto me mata na zulu, na Nge, Nzambi.

318 Na ntangu konso kimenina ya ntoto ke kunwa na yinto ya Nge, mpe mutindu yinti yayi, yina me kubuta, ke kunwaka na yinto ya Nge, ya ke banda na kukula. Ya ke banda na kukula. Yinti ya disangu, felele, nionso yina ya kele kunwa na yinto ya Nge, ke yela na ntwala ya Nge.

319 Mpe na suka yayi, beto me kukula, na ba-centimetre mingi, Mfumu. Beto lenda simba bima ya zulu mingi. Beto ke nwa na yinto ya Nge. Beto kele bivangu ya Nge, na ngolo ya mvumbukulu na kati ya beto, Mfumu. Mpe beto ke sambila ti Nge ke kuwa kisambu ya beto ya bampangi ya beto ya babakala mpe bampangi ya bakento. Mpe bika ti konso mpasi, yina ke pekisa bantu yayi ya luzolo awa yina kele na ngolo yayi, Mfumu, kubika bawu, samu ti bawu lenda sadila Nzambi. Mpe ya ke vwanda mbote, Mfumu. Na Nkumbu ya Yesu Klisto. Amen.

320 Beno ke kwikila Yandi? Kubika kima mutindu yayi? Wapi mutindu beno lenda sala yawu? Beno fwana kaka, kutala mutindu, kaka kukatula beno mosi. Beno ke kuwa mutindu yina? Mu—mu—mu . . . Ya lenda vwanda munu, ti mu kele . . . Kasi mu vwandaka na nsatu mosi, kaka nsatu mosi ya ngitukulu ntangu mu kwisaka na kati ya bantu, kisika beno me vwanda kintwadi mutindu yayi. Mu zaba, kisika mosi kuna, yina ke monikaka ve na meso awa; kaka mutindu ladyo, television, nyonso yina ya kele, na kulutaka na kivinga yayi; Klisto kele na kati ya kivinga yayi. Beno banza kaka, Mukudi ya beto! Tony, Yandi kele awa. Amen.

321 Mpe nani lendaka vwanda na kiese mingi kulutila bantu yina ke na yawu, na nzikisa ya Biblia ya konso Ndinga ya Nzambi me monisama, kumona ata mpe na Bawanzio mpe Moyo ya Yandi, mutindu bawu kuzwaka bansungi! Mpe awa, Bandinga ya boma, tubaka na ntwala mpe ya salamaka kaka kieleka. Mpe awa beto kele na eve ya Nkwizulu ya Yandi. Oh, wapi ntangu ya mbote!

322 Beto ke mona Yandi. Mosi ya bilumbu yayi, Yandi ke vwanda awa. Tii Yandi ke kwisa, beno ke sambila samu na munu? [Dibuundu me tuba, “Amen.”—Mu.] Mu kele na boma na ntwala ya munu. Mu zaba yawu. Beno me mona? Mpe mu ke kutana na mimpani yina ke kufwa beno na munduki, kaka mutindu bawu ke kunwaka dikopa ya masa, mpe ya kele ntalu ya kufuta. Beno ke kwisa na kisika ya bawu, bampeve ya yimbi yina ke tula ntembe na beno na Biblia, kukondwa mpasi. Kasi mu me monaka ata fioti ve ntangu kasi yina Nzambi ya beto me baka lunungu. Mu ke kwenda na Nkumbu ya Yandi, na Nkumbu ya Mfumu Yesu Klisto, kivuvu ya Luzingu ya Kukonda nsuka, mvumbukulu mpe Luzingu. “Yandi yina ke zinga mpe ke kwikila na Munu, ata ti yandi me kufwa kasi yandi ke zinga. mpe muntu nyonso yina ke zinga mpe ke kwikila na Munu ke kufwa ata fioti ve.” Mu ke kwikila ti ya kele Ndinga ya Kukonda nsuka ya Nzambi. Nge ke kwikila mutindu mosi? [“Amen.”] Nge ke sambila samu na

munu? ["Amen."] Mu ke sambila samu na beno. Bika ti Nzambi kukeba beto tii kuna beto ke kutana diaka.

³²³ Ntangu yayi beto telama, kaka mwa ntangu fyoti. (Beno kele na kima yina beno zola kutuba?)

Beto kulumusa bayintu ya beto.

³²⁴ Ya ke vwanda mbote ve samu na beto na kuyimba mwa nkunga yayi, mutindu yina? Beno bambuka moyo nkunga ya beto, *Mu Zola Yandi*, ya kele na kati ya ntima nyonso? Beto yimba yawu. Mpangi-kento, ya luzolo, nge lenda. . . Mu zola kutuba, mu me sepela na kubula ya nge, mpe, mpangi-kento. Mbote mingi.

Mu zola Yandi, mu zola Yandi
Samu Yandi zolaka munu ntete
Mpe futaka mpulusu ya munu
Na yinti ya Calvaire.

Ntangu yayi beto ke soba nkunga.

Lukwikilu ya munu ke tala na Nge,
Nge Mwana-dimeme ya Calvaire,
Mvulusi ya kinzambi;
Wa munu na ntangu mu ke sambila,
Oh, katula foti ya munu nyonso,
Oh, bika mu kubanda bubu yayi
Mu vwanda nyonso ya Nge!

³²⁵ Yina ke sala kima mosi ve na beno? Bantu yikwa ke zolaka ntima ya kieleka yina. . . Mu—mu—mu ke zolaka mikunga ya jubilé. Ya kieleka, mu ke sala yawu. Kasi ntangu beno kele na mpeve ya kusambila, beno ke zolaka ve nkunga ya ntama yina? Mu ke kwikila ti Mpeve-Santu me kwenda na zulu ya Eddie Perronet mpe bayankaka yina sonikaka bankunga yina ya ntama. Beno ke kwikila yawu? Fanny Crosby, ntangu yandi sonikaka:

Kuluta munu ve, O Mvulusi ya lutondo,
Kuwa bidilu ya munu;
Ntangu Nge ke bokila bayankaka,
Kubika munu ve.

Nge kele Yinto ya ngolo na munu nionso,
Ya kulutila luzingu samu na munu,
Nani yankaka kele na munu na zulu ya ntoto
na nganda ya Nge?
To nani yankaka na Zulu na nganda ya Nge?

³²⁶ Ya kele mbote ve? Yina ke sala beto kuzola kuyimba *Mu Zola Yandi*. Mutindu yina ve? Ntangu yayi, na yina beto ke kuyimba ntangu yayi, *Mu Zola Yandi*, beto. . . Beto zolana mosi na yankaka. Kana beto ke zolaka ve mosi na yankaka, kuna beto lenda ve kuzola Yandi. Ntangu yayi beto pesana mbote mosi na

yankaka. Beno telama kaka, mpe beno tanda diboko na zulu ya mesa kisika mosi, beno pesana mbote, mosi na yankaka.

Mu . . . (. . . ? . . .)
 Mpe futaka mpulusu ya munu
 Na yinti ya Calvaire.

Beto kulumusa yintu ya beto ntangu yayi.

³²⁷ Mu ke lomba Mpangi Williams, Mpangi ya ntwenya Williams, na kukwisa awa na mwa ntangu fioti. Mu ke yufula yandi kana yandi ke bika bantu yayi awa na bisambu.

³²⁸ Mu zola Mpangi Williams, Muklisto ya ntwenia, yina mu banza kele kieleka kisadi ya Klisto, mwa dibuta ya yandi. Mu ke kuzwaka kubundana mingi na bayayi. Mpe bampangi-babakala yayi ya ntalu ya Moseley mpe bawu nionso, beto me vwanda kintwadi, mpe mingi ya bankundi ya munu ya luzolo awa na Phoenix, yina mu ke zolaka na ntima ya munu ya muvimba. Mu banza, na suka yina na vision yina, Yandi tubaka, “Bayina nionso nge ke zolaka, mpe bayina nionso ke zolaka nge, Nzambi me pesa bawu na nge.”


³²⁹ Mu ke kwikila ti muntu mosi awa me balula ntima samu na masumu ya bawu, kuna na nsi, mama mosi ya ntwenia ke dila.

Beto kulumusa bayintu ya beto na mwa ntangu fioti samu na yandi.

³³⁰ Nzambi ya luzolo, kele na mwa dimeme yina bikanaka na Phoenix? Mu zaba ve, Nzambi. Nge zaba. Kasi, kilumbu mosi, ya ke vwanda. Kasi, Tata, yayi, na ntembe ve, kele mosi. Na yina mu ke sambila ti Nge ke sadisa yandi, kaka na ntangu yayi. Na lembami nionso zibula mwelo, mpe tuba, “Kwisa, mwana ya Munu. Basika na kati ya nzila ya kulemba, ya kulemba mingi. Nge vwandaka tekita kuna na kati ya mpimpa. Mu me basika, bubu yayi, samu na kusosa nge. Ya ke Mpeve ya Munu yina ke tuba na nge mpe ke nata nge na lupangu ntangu yayi.” Pesa yawu, Nzambi. Bika ntwenya ya kento yayi. . . kaka na digembu ya luzingu awa. “Yandi yina ke kuwa Bandinga ya Munu, mpe ke kwikila na Yandi yina fidisaka Munu, kele na Luzingu ya kukonda nsuka.” Pesa yawu, Nzambi ya luzolo, na Muklisto yayi ya ntwenya. “Yandi yina ke kwiza na Munu, Mu ke tula yandi na ngaanda ve.” Na yina basantu kele ya kutelama samu na kusambila, samu na kento yayi ya ntwenya.

³³¹ Beno bambuka moyo, mpe Paul, yina ba losaka matadi na mpasi ti yandi zolaka kufwa, mpe ntangu basantu telemaka kuna mpe sambilaka, luzingu vutukaka. Samu, na banzutu ya basantu yina vwandaka na ngolo ya nkindusulu yina vutulaka mpeve ya luzingu na Santu Paul. Nzambi, ya kieleka ya lendaka sambila kisambu, ya lufwa na . . . to lufwa na muntu, na nzila ya kisambu ya lukwikilu, na luzingu. Pesa yawu, Nzambi ya luzolo.

³³² Sakumuna beto ntangu yayi na yina beto ke tula ntima na Nge. Na Nkumbu ya Yesu Klisto, beto ke sambila.

³³³ Ntangu yayi na bayintu ya beno ya kukulumusa, mu ke lomba na Mpangi Williams. 

KIDIMBU YA PAKI KNG65-0410
(The Easter Seal)

Nsangu yayi ya Mpangi William Marrion Branham, kulongamaka na Kingelesi, na Kilumbu ya sambanu na suka, na kilumbu ya 10 ya Ngonda ya yiya, na mvula 1965, na Ramada Inn na madia ya suka ya Kimvuka ya Bantu ya Mumbongo ya Nsangu ya mbote ya Muvimba na Phoenix, na Arizona, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org